




祠生豐九十五士備公行略

吳寧士備公者系出孝子斯敦公後郁之公之次子諱尚志豐九十五其行也岐嶷時卽抱大志卓犖不群習舉子業與明儒皓窮首經所著詩詞盈架後爲冰燬所燼卒不就簪纓籠絡遂徜徉於名山佳水間其尙志固有如古人之不願聞達者此特其文藝之末而敦行更有大過人者鄉邑常傳頌不衰母張氏老疾不痊而公自舛角時暑必扇席寒必暖衣進湯藥承甘旨侍疾而解衣帶者歲可日數色養親壽于九十有六若萊子斑衣復見故邑大夫聞而獎之舉爲祠生以上承孝子鄉賢至於宗族綱常出一言以整齊無不肅穆里隣雀角挺一身以排難羣爲心帖日與二三昆季飲酒歌詩追田氏風凡縉紳先生輩



慕其義者咸結為知交語云朱履三千不是過也配泮東徐氏  
繼鹿峯程氏舉三丈夫子恒以孝道囑幼子繼址曰生前屬汝  
無他事一孝無虧不愧人其勵行不減類多若此故雲初奕七  
以蒙天眷者正未有艾今以家乘再葺其孫首璧乞文於予予  
因先嚴君萊公與士備公作詩酒會因為之補其略云


皆

雍正己酉仲秋上浣之吉

同邑庠生吳希潮撰

慶弟行略

一善字宗慶豐一百十二其行也係賢十六府君裔孫良  
四之幼子也君居住巷邱園自娛清閒當貴笑傲於烟霞  
際優游於雲水之間理亂不知黜陟不聞終身由焉而不知  
榮辱之在彼在我我儀圖之其自得之意固曰與其譽于前孰  
若無毀於其後與其樂於身孰若無憂於其心迨遭土寇猖獗  
祝融回祿乃巷之衆俄驚參商未嘗無黍離之嘆君亦不得已  
而遷於嶺下棲身况予白石族中有爲東道往來者路過君扉  
不吝沽樽而款之則其厚於族情莫若伊也厥配呂氏生四子  
勤儉以時箕裘秋實一日與舊居昆季子姪議曰相彼鳥兮朝  
飛慕還矧伊人兮可不知返昔而少長咸集靡不戮力同心而



爲堂構重輝可以親族侑觴可以冠婚喪祭可以佳朋聚首談  
心余聞之敬之慕之茲值葺修譜牒族長命余通知汝族君乃  
欣七然喜色相告曰葺修一事人之最重者也豈可忽乎而予  
以爲美哉斯言也大有裨於風化云

附七旬壽詩

佳巷潛棲矍鑠翁古稀戲舞畫堂中杖藜臘月看梅圃攜手殘  
冬樂雪穹親族侑觴忘日暮兒童秉燭羨爐紅齊眉舉案芝蘭  
彷彿商山逸趣同


皆

申孟冬之吉

愚兄尙志撰

百四十三姪行略

藉後嗣爲繼述家政賴內助以贊襄二者不可偏廢也  
當世豈易得哉不意於吾姪而幸覩之也姪諱士忠字宗  
余兄泰廿七公之冢子也生而忠誠廉謹非分不爲非義不  
取佐父經營堂構聿新家貲饒裕所謂父肯堂而子肯構者非  
耶且幼承義方之訓負笈從師書數惟精與諸父嘉龍嘉鳳嘉  
凰嘉默同居沒齒無間及諸父相繼辭世余姪塋祭盡儀情文  
兼至事母溫清惟謹色養不違不賢而能之乎至於隣里宗族  
極其冲和或有以橫逆加者第甘受之而已卽有不平於中而  
終不發諸聲也當閒居匡坐時必詳考孝子公代父陳情之事  
及景濫公捨宅之蹟屢以家乘以湮遺蹟曠軼爲念日勉予任



其事以草率速成爲戒故自壬寅會修山頭廊下及今丙午續  
修三都白石支聯派接會成一帙使疎者復親分者復合皆余  
侄倡議勸勉之功也厥配李氏端莊靜一琴瑟和諧中饋女紅  
並擅精美有古孟光齊眉舉案之風至於譜事告成孺人出筐  
篋以助夫而未嘗有吝色以視夫錙銖不舍而反唇相稽者其  
相去爲何如耶吾故曰祖功籍後嗣爲繼述家政賴內助以贊  
襄也二子繼標繼枝方駿匕未艾予雖不文喜吾姪遇之善併  
喜吾族人之良也因記其行實於左

昔

年菊月望後五日

叔文息撰

派宗華弟行略

不字宗華豐一百六十五其行也係榮三九府君裔孫  
八十一公子也君生白石僅三歲隨父遷武邑太平鄉  
邊幸獲興仁敦厚之里朝見一人焉謙七君子暮遇一

人焉溫七恭人君乃愈加謹慎克勤克儉務本力農日計不足  
月計有餘積以數年雖不能如陶朱公之富而亦以苟合苟完  
自成家室一日追憶曾祖華六十一朝奉及祖賢八十五府君  
墓在東陽白石舊處痛其祭祀乏資值寒食節與嚴君置有田  
畝若干以爲歲時血食復思祖母而乃買地厝安於李思龍迨  
父逝世居喪盡禮卜佳城於涼亭下至母在日恐貽母憂常在  
桑榆不敢遠遊每遇夜向北辰祈壽延生君固克敦孝行者矣



配王氏克嫻內則生四子繼名繼卿繼富繼壽長媳金氏二孫  
首良首進次陳氏三子幼子未婚二女并孫女俱獲名門之配  
嗟乎公始於白石而遷於武郡由一人而肇茲基業將來孫子  
濟七餘慶發祥安在不可預爲君卜也茲值家譜重脩因敘其  
由而炳載之使後之覽者亦知其所自云

皆

康熙歲次壬申桂月

兄尙志撰

際二百五十二行略

人生境遇不一而得以自盡者不以境順而有加境逆而有損  
世之逐匕以生冉匕以老無所表見者可勝嘆哉若予甥之卓  
匕自命有足取焉生斯氏諱獻能字以才號圓峯實予伯父之  
甥孫也當襁褓卽失所恃抱伯父家撫養成成人總角時予嘗謂  
之曰爾母在日孝厥姑和妯娌有思齊思媚之遺事中饋相夫  
子不減鷄鳴解佩之助所稱克盡婦道者也惜乎人壽難期已  
早逝世矣甥卽撫胸流涕曰他人有母繄我獨無孝心之感發  
嘗時露其端倪甫長旋歸善事嚴君養志承顏出告反面溫清  
罔闕定省莫虧融匕陶匕太和之元氣已聚於一堂及沒哀痛  
迫切喪葬盡禮總不以遇窮故或薄其親大本之克端已駕人


一等矣至處鄉人則雍睦素著待伯父恭敬勿懈濟急難勿辭其勞造橋梁不吝所費遇不平事輒直言不諱公道自矢非所謂鐵中之錚匕者乎嗟匕意量之恢宏才略之過人其他不可枚舉卽如崇聖寺之碑毀產廢祖宗之血食幾乎無存甥與暨陽斯欽等竭力向前不避艱辛涉訟二三載致使家事未暇治理而其父未嘗有怨言反以急公勉其子事卒賴以有濟此其奮不顧身亦如其伯父之盡力於洪濟寺者然至今猶嘖匕人口不能忘信依然以箕裘而紹弓冶之傳且也慨先緒之斷續恐後裔之渙散輯和人心調劑衆口俾家史之得以重修者甥力居多也夫何行詣克修而家業莫振限於遇者誠無可如何耳然其所以自盡者終不以境順而有加境逆而有損也愚不


敏因累敘其大概以誌不朽

皆

乾隆歲在辛丑蒲月之吉

愚舅承軒盧肯構撰






贈覺齋公處士行略

運十三

維

乾隆庚子季春月既望覺齋處士諱世鐸字振衆斯其姓也終  
於斯孝鄉之正寢赴聞於盧子松岡居士嘆曰哀哉是何天奪  
處士之年也輒欲爲之傳使後之子若孫知其梗概自笑無文  
不果越明年夏午伊子德耀輩告予曰先君行事惟公知之素  
矣今家乘重修敢乞一言以表揚其隱德誼不容辭姑爲之略  
敘其次按處士系出吳孝子諱敦之後歷晉唐宋明代不乏人  
冠纓文學表著於郡邑誌者指不勝屈祖槐軒翁父裕齋翁咸  
以文學著母顧氏安人婦德母儀兼備昆季有六處士居四其  
爲肯構肯堂難兄難弟者不幾艱其任哉而處士咸有道焉其



事父母也承順意旨必不敢以稍拂者傷親心其處兄弟也克  
敦愛敬必不敢以自私者乖友誼至於鄉黨朋友處之無不得  
其歡心者其爲行事顧何如哉而天胡以奪其年哉噫吾知之  
矣夫天之所謂壽者不必於其身而必於其子若孫也今其子  
有三長曰德耀次德輝幼德恩雖俱年幼而頭角嶄然此日之  
寧馨兒將來未可限也淑配顧氏太安人之姪女也其女德婦  
行俱有佐處士之不及者女二長適觀里徐廷選次適橋頭韋  
洪堅長媳官橋陳氏此舉其目前者而記之至於作傳作銘以  
俟當世之操如椽筆者庶有所採云

乾隆四十六年歲在辛丑閏端陽日

雅溪松崗居士盧永燭謹撰

興二百三十七子始斯翁傳略

翁諱首肇字子始姓斯氏系出吳赤烏間孝子敦公後故今稱  
爲斯孝鄉翁幼而岐嶷長美儀度容貌端方令人不敢狎視性  
光明磊落無巽輒依阿態早失怙奉孀母曲體親心先意承志  
凡晨昏定省冬夏溫清諸節罔不周詳委摯非徒以文而已事  
諸舅怡匕和氣式好无猶孝友之忱肫然藹然人以爲不愧爲  
孝子之後與人交無疾言遽色恂匕謙讓有非意相干者和顏  
霽色受之勿與較其人亦往匕愧而知感讀書務明大義不拘  
匕爲章句之學於古人之嘉言懿行輒心嚮往之常舉以示子  
弟輩凡有義所當爲卽以身先之不辭艱瘁里中有疾苦者必  
調卹之而後快其餘善行諸多類是配單氏淑慎柔嘉克稱內





助相莊偕老子四獻忠獻信獻賢獻理俱醇樸篤誠恪承前志  
興隆家業一女適峴北周孫十三人曾孫十一人瓜綿椒衍寢  
熾寢昌來方未艾孰非翁之厚德有以垂裕於無窮耶翁以康  
熙己丑二月初八日生以乾隆癸丑十月初二日卒享年八十  
有五今斯族方重修譜牒懿孫光鎬光榮以翁之行傳請因略  
陳梗概而爲之傳云

皆

大清嘉慶二十三年七月上浣立秋日

丙寅歲進士

誥封奉直大夫戶部江南司主事雅溪盧栢拜撰

興四百七十五節壽吳氏安人傳

安人吳氏興四百七十五首勲先生德配也初事乃父祖德公  
謹就子職公故至之偉丈夫儀度端雅風論整嚴安人頗髣  
髴之及笄歸白石斯首勲先生相敬如賓操作家計中饋是修  
事七精辨如駱秀作數十人飲食不少怠若夫孝舅姑和妯娌  
勤慎恭默不聞勃谿詬謾之聲閭鄙咸欽之爲巾幗中一男子  
耳後舉丈夫子一諱獻芳年九歲而首勲先生染疾遄深不起  
席者五月安人對天祈禱誓以身代覓醫治奔急家雖落手資  
不暇計比卒痛哭捨顛如不欲生倒而後甦者三四姑乃解勉  
之曰吾子旣亡焉能再造下遺弱孤依仰者惟爾耳能爲我撫  
立成人吾子死猶生也不然殺身勵節蔑夫之嗣於吾心何安

安人乃含淚治喪衣衾構塋各裁以禮後奉姑竭力茹荼飲血  
餐盡數十年冰霜此心如一日也撫孤慈而嚴兼盡義方之訓  
或不中便厲色教戒子亦循匕不失望業漸起爲子娶婦婦多  
淑德遠邇稱母儀焉產孫一光亨頭角崢匕然少卽如成人孫  
媳得佳配而安人已七十有餘童顏鶴髮植梓於庭藝蓀於階  
萊衣娛日歌南飛一曲不如誦栢舟詩爲可風矣古稱三母王  
陵徐庶范滂之家燕慶有後而安人以貞節應鴻禧知稟天地  
之正氣者亦以食天地之報不爽也而况足以範世道光里閨  
者乎爰搦管以傳之用爲後來者勸

嘉慶二十三年天貺節後五日

邑廩生 侶東 李國榮 拜撰

興四百八十二鳳山先生傳

先生諱首烈字文謨鳳山其號也性謹厚不諛於才不詭於言  
懿和郇里砥節首公自處淡如耳先生之族於吾婺稱望姓蔚  
文名獻自漢唐來代有作者故其祀諸宗祐者昭穆禮器多所  
爛明而齊家族者必若明大義飭大綱精辨別嚴邪正不以人  
從違不以勢申壓者克肩其任族舉先生爲之先生固不作苟  
見治苟得者之湛冥可辱也又豈儻募不自收歛者之可與方  
也哉先生之族家乘久未修葺乃於宗祖下之賢而力者推轂  
成業與之贊襄所以明修世系光照祖烈合親疎以通一脉者  
必不致首鼠兩端墮不任職與人交尙樸訥不遺蛇其迹而步  
偶也故人也故人也幸得託肺腑或甲與乙之不爲直者質諸先生

白在異日... 卷之十一  
得一言排解如冰釋不復訾累如暇則操法於重差海島諸經  
其經緯澄然也娶祥堂樓氏相敬如賓母儀有則亦巾幗中之  
君子也舉丈夫子三獻蓀獻儀獻清媳配多名門女遵循規矩  
以儉以勤守義方之訓家法整肅焉懿孫光表光鼎光霽光被  
聰明伶俐崢嶸有頭角若是先生之繼志則謝氏之超宗戒後  
則邠公之家訓交友則揚穆許李之名率事則甄鸞劉徽之法  
植德於己而才足以暨之具藝梓植蓀縮綽多福皆可操券而  
得矣今年已六十諸學博舉爲孝子祠奉祀生以端風範可謂  
無忝而以譜牒落成余爰書其大略爲之表揚於後詎暇以工  
拙計哉是爲傳

嘉慶戊寅年春月下浣日

邑廩生 嵒崖李國榮拜撰

際一百五十五獻魁公行傳

從來厚德之人天之眷注必隆非特一身已也卽子若孫咸蒙其澤余於獻魁公蓋益信焉公秉性淳謹素行端方敦友誼重然諾卽有干以非禮者寧隱忍之或有告以顛連者必急濟之宗族接之以情鄉黨待之以禮官賦早完公庭不入至於奉父母也則先意而承顏其處昆弟也則相好而無間是以四方聞之莫不奉爲楷模而又嘖嘖稱其爲孝友云生平不尙浮華不矜才力不愛玩遊山水不喜說人短長不作一切身外務惟以躬畊爲業率其子課雨占晴披霜戴月灌蔬圃治田禾朝荷犁鋤以出晚驅黃犢而歸勤始慮終未之或懈也所尤難者年踰大耄而雙眸炯々童而顏台而背不杖而步暇則與二三野老


閒話桑麻逍遙於青畦綠畝之中怡養天年似不復知有人世  
 事以視世之慕榮利釣虛譽老死而後止者其于為人賢不肖  
 何如也家居嘗語於子曰梨園博奕諸務乃奸盜之媒切不可  
 近又曰孝弟人之根本仁義人之權輿處家不可不勤儉處世  
 不可不清白汝他日當守此訓以誨子孫切勿令其習為匪類  
 喪志辱先纍七數十言懇切叮嚀總以忠厚為本迨其後疊受  
 恩綸享壽八十有七無疾而逝卒之日鄰里咸哀傷悲悼非盛德  
 有素者能如是乎配金氏幽閑聿昭子二曰光潤曰光洪丕振  
 家聲孫四世周世兆世慶世祿俱克繩其祖父曾孫一德有頤  
 卜飛騰將來綿七延七必有以光大其門閭者書曰作善降祥  
 詩曰遐不眉壽可為公頌矣茲當葺修家乘誼屬葭莩爰陳其

大略以垂不朽云

皆

嘉慶二十三年歲次戊寅孟秋月之吉

姻姪邑增生金光煒拜撰







際一百七十三玉泉翁傳

竊思貫天地格神明統古今聖凡莫能外者惟其孝而已矣舍此不圖總其他行綽有可觀而士林弗取以其失乎行之原也吾東有斯翁者諱獻耀字耀先玉泉其所自號也卽其所自號便可想見其爲人生平慷慨好施賑貧濟乏排難解紛不辭勞瘁彼夷莫無志者得公之行亦稍知自厲人咸以此爲公難吾以此爲公之所能亦或人之所可能而獨有不可能者惟其孝而已矣幼失怙苦次惻然儼若老成之嫻於禮節者後事孀母母以青燈課讀授孝經齊魯論爾雅攻苦數浚總以息助信爲期曰學貴有用不離乎孝者近是南海之冰寒門之燭母之志母之節也而公悉有以承順之敬錄孀居事以上於當道者

顏其閭曰殊恩光寵豈非孝之大者乎緣累於家不獲終舉子  
業識者恨之當吳之時有斯孝子者九闕峩也虎豹  
斷七不足畏也泣血上書以脫父罪國史載其人郡邑志詳其  
事婦人孺子每傳頌弗衰有如是之孝宜乎千百年後復得玉  
泉翁其人者餘光尙垂於不朽云德配雅溪盧氏入門御媪騰  
歡旣饋公姑咸喜嬰執之謹內助之賢卽見於斯舉丈夫子二  
光烈光勲娶媳擇配名門龍孫世榮世華世盛世采孟氏雙珠  
輝煌一室韓家四玉萃聚一門非孝行之所感而寧有是昌熾  
之休乎茲當家乘之修族姪能 係公門下玉潤戚也爲詳公  
之行蹟丐余爲傳故得據實而書之如左

嘉慶戊寅年流火月上澣之吉

桂坡邑庠生李

粹拜撰

際二百七斯翁章軒傳

余秉鐸吳寧薦歷十餘寒暑矣聞邑東斯氏推八大姓其族自  
廷尉公夢龍孝子公崑山始赤烏以來閱唐宋元明代有聞人  
迄今二千餘載鄉族之古爲一邑冠裔其後者翁也翁諱獻順  
字以文號章軒興一百五十六首寧公之幼子卅角時好讀書  
因兄早逝不暇業儒專事家人生產作業克勤克儉有乃父風  
爲人樸實慤誠古貌古心不事雕琢故其天不鑿人以巧彼寧  
以拙人以勇彼寧以怯人以智彼寧以愚遠近多以長者稱之  
事親克盡子職不愧以孝名鄉之義居處恭執事敬齒雖高見  
人躬匕如畏族以翁故薰其德而善良者往匕有也其言呐然  
如不出諸口而是非之心不昧遇族鬪閥衆人力爲排解不能

止及翁秉理論之也數語輒渙然冰釋蓋其取信於人者素矣  
 持家政數十年錙積銖累漸致中人產然瞿也休也量腹度身  
 而衣食之非徒自苦亦以後生輩罔知稼穡艱難家屨足遽效  
 富人之所為鮮有不立匱者語曰能約其躬則儉石之穡以豐  
 苟肆其欲則海陵之積不足此翁之所以凜也歟及醴師宴客  
 又未嘗以吝嗇聞或族有饑寒吞紙抱犬如義陽朱詹其人時  
 亦周恤之罔慳以視富無仁義之行揚子雲斥為圈鹿欄牛者  
 其賢不肖何如也邑大夫延致賓筵即汗顏力辭不就曰吾何  
 德可以堪此年八十有二蒙

皇恩賚帛肉兩次霜髯雪鬢矍鑠如壯時性嗜酒嘗種秫自釀  
 遇酒軍勁敵臨老猶能一據鞍焉足跡不入城市天梳日帽以

適其適時人以為仙於是知翁之壽不壽於人而壽於天不壽於數而壽於理也配安人宣氏虔恭中饋甚有賢聲舉丈夫子三光義光案光乾析薪負荷克嗣良裘女二長適安溪盧次適東眷韋皆締姻名族孫七世明世鈞世能世成世英世顏世京曾孫一德芳頭角崢嶸一望而知為佳子弟所謂積善之家必有餘慶豈虛語哉韋生昌熾從余游其猶子維新即翁之甥居隣鬻舍嘗數匕為我道其外王父之賢以故稔悉其為人茲當重修家乘焉傳於余義不獲以謗陋辭為之言概如斯

昔


嘉慶歲次戊寅立秋日

東陽縣儒學訓導山陰謝雲卿

藏文...

曾

Main body of vertical text columns, containing the primary content of the page.



際二百十四桂園斯翁傳

斯翁諱獻進字以秀號桂園孝子敦公之後裔斯自赤烏賜姓  
後最爲東陽古族世居邑東之昇蕪鄉翁少就傳勤讀稍長委  
以家事遂不克終其業翁爲人淳厚寡言笑有才略其居家常  
得雙親歡喜一生以勤儉爲本家因益腴常訓於家曰勤乃有  
獲惰則業廢而無成儉可足用奢則糜費而蕩產見里中游俠  
少年禁勿往來其容晬然其言藹然從不稱人之過失有問必  
以直對於里黨之子弟言必以倫常爲首舉素不爲蘄絕之行  
亦勿徇世俗所好樂善好義鄉黨皆稱爲長者其先世孝子祠  
壞翁率族人丹其楹刻其角而聖粉其壁力爲經營况瘁不辭  
復疇策派祖之祭田務使之有餘而無不足及族中之宜經理





者無不以身先之此則孝子慈孫之用心也以視世之文人學  
士讀書破萬卷矢口吟詩舉筆成文非不自以為彬彬大雅至  
問其家中父兄親族輒有相陵相詬而僭於路人者應亦赧顏  
於翁矣翁壽至耄耄雖登仙後都人士咸嘖嘖稱道勿衰迄今  
子若孫肯堂肯構爲一鄉之翹楚能識古字敦古心蓋本於義  
方之訓爲多夫闡揚風誼嘉獎人倫垣竊自愧不逮但垣與翁  
誼屬昆表而情深企慕因不辭鄙俚而爲之傳

肯

嘉慶二十三年歲次戊寅荷月之吉

愚表弟邑庠生勗堂顧宗垣

際二百八十七靜庵翁傳

余聞古人好善有善必彰有美必傳故梁元帝以金管書忠孝以銀管書德行以竹管書文章卽一言一行急錄勿棄况翁之備美尤當爲之立傳以垂後世以示無窮烏可置若罔聞而勿述之乎翁名獻芭字爾豐靜庵其號爲人忠厚樸誠書理貫通周旋進退不愆禮義可謂君子人也稽其生平居室有衛子荆之風克勤克儉家資漸裕創造堂構丕振家聲率子弟親師塾重道德其貽謀燕翼亦甚重且遠矣然在鄉黨不戲一言不苟一行及遇事有識見是曰是非曰非依理斟酌不肯委蛇從俗無論少長猥淺輩出入相見誰不凜然而敬之夫翁之爲人正謂仰不愧天俯不怍人覓然卽可爲物表也娶巍山趙氏內則

素嫻不歉四德偕老夫子相敬如賓厥子光容器宇昂也克繼  
前徽懿孫世良世善世公頭角嶄然蘭芽繞膝呵也一堂豈非  
世俗中所罕觀者哉今著雍攝提格之歲重修譜牒巧余為傳  
夫有善必彰有美必傳使族內為人克盡如是又何間然故叙  
其大概以述之而竊愧余之謏陋云爾

皆

嘉慶戊寅年春王正月

辛酉副車

雅溪眷弟藜軒盧永煥拜撰

際二百八十七靜菴公像贊

卓犖哉斯翁也樂善好施不伎不求處世則循分據理致交則  
親賢友仁視功名如脫蹤積厚善於當躬其待人也以寬其處

己也以直富矣弗驕仍儒者之素風質而無華故守約以鮮失  
溫也乎貌言恂也乎鄉邑山徑悠然公庭屏跡貽謀後昆何慚  
先哲

辛酉副榜盧永煥拜題

際二百八十七趙氏安人像贊

金玉之姿賢能之配順不失正以位乎內維德成才聿勩不逮  
昌後承先慈嶽下戴忠孝有源所持乃大羞彼巾幗獨出其類  
非我譽之浚儀種邁寫者非真其真自在一段性情豈若能繪

皆

嘉慶二十三年仲夏月

雅溪邑庠生盧汝材拜題

樂海圖

樂海圖

世

夫樂者... 樂海圖

... 樂海圖

... 樂海圖

樂海圖

樂海圖

樂海圖

... 樂海圖

... 樂海圖



泰四十四耀祖翁行傳

歲戊寅月天中余率弟子府試以還同李敬亭賡墀二先生遊覽紫檀白瀝諸勝仙雲縹緲山水秀麗層巒聳翠興然忘歸乃循行故里偶憇息於白峽茂林修竹之下喟然嘆曰氣佳哉鬱々葱々然謂其植物之有闢風俗也言未已忽有老人攜筇而來貌清而古骨秀而勁颺々乎如陸地仙相遇途中或先或後退讓不遑問其姓曰斯氏叩其名曰光輝字曰耀祖詢其族居則曰白石嶺下漢孝子敦公是吾祖也周旋既畢將別而歸翁謂余曰夕陽含山邨烟繞樹田家貺味與子同夢可乎余唯々不數武桑麻在望鷄犬相聞出作人息有皇古風余入其室踐席乃坐細問翁年曰近期頽蒙 恩兩次詢所住宅謂吾祖卜

居時見桐茂盛桐為凰棲遂名之曰桐院未幾捧盤而進曰山  
 肴野蔌無以分甘敬奉高人相與言歡而已未及席率二子一  
 先一後循次以前曰長世昌幼世盛也引厥孫枝則有德音德  
 隣德斌德滋德普德高德立德標德福晉孫則有學梁皆彬匕  
 有造依然大家風度詩所謂熾昌熾滅將來猶未艾也間有父  
 老告余翁生平忠厚樸誠言行不苟孝父母友兄弟和鄉黨睦  
 宗族實有可嘉者余傾聽之想見翁之為人誠無愧忠孝之後  
 裔歟翁厥配李氏有淑德勤儉操家女紅機杼親任其勞今者  
 戾止其家見翁禮賢款賓秩然有序芝蘭芽茁挺秀不凡翁之  
 聚樂一堂又何愧夫桐院之稱耶因筆其大概以俟家乘修葺  
 載諸集中為後來子孫勉焉於是乎傳

峇

嘉慶二十三年歲次戊寅五月上浣之吉


雅溪邑庠生盧傳拜撰

右附泰四十四光輝翁暨安人李氏贊

白峽之陽斯孝之里篤生偉人期頤英士不言是非不入城  
市靜翫靈泉樂山與水望之儼然是其素履訓子義方勤儉  
家理芳徽遺範後昆仰企

隴西之郡里香以木篤生淑媛于歸望族其性溫柔其容婉  
穆中饋克脩內則嫻淑妯娌以和舅姑以肅子孫繩匕蘭桂  
芬馥種匕懿德丹青一幅

峇






嘉慶歲在丁丑荷月下澣之吉

贈修職郎敬亭李

珪拜題




Faint vertical text columns, likely bleed-through from the reverse side of the page. The text is mostly illegible due to fading and ghosting.

泰七十七飲賓光桂公行傳

蓋飲賓爲

朝廷之大典攷諸周禮大司徒以三物教萬民而賓興之一曰  
六行孝友睦婣任恤是也大賓須有德位者斯可以克充其任  
飲賓必須立品端方斯可以爲一鄉人倡三代而下兼之者實  
寡如公諱光桂字聖馥號寶亭泰七十七其行際一百三十一  
之長子也幼讀書英敏禮義素嫻長而純厚篤實立品端方克  
繩祖父世德作求立身以孝弟爲先治家以勤儉爲本心溫良  
而行謙和性英敏而言簡默恂乚然有仁人君子之風焉且公  
之事親也順其志盡其誠不敢稍有違意形於眉睫於昆弟必  
友愛周至創造堂構丕振家聲聘娶子媳延師訓誨待宗族以




雍睦積厚善以居躬自幼至老絕蹟公庭邑候 徐公聞其年  
高有德請公延致鄉飲酒禮給其冠帶榮身賜匾額於其堂曰  
香山雅望閭里人咸矜式之如公者洵可謂繩祖武而續父緒  
者也配胡氏勤儉和順克盡婦道事舅姑待妯娌無不各得其  
歡心夫婦相敬以德相勸恍然有梁孟風規誕生三子世達世  
進世適磊落光明超萃不凡懿孫德彩德安德榮丰姿挺拔竒  
偉魁梧已有較勝前人之概大抵積善於家慶餘所固然也公  
生於乾隆戊辰十二月十七日亥時卒於嘉慶壬申正月十八  
日申時附葬楊坑塘祖墓側今值家乘重新丐余爲傳余雖不  
文聊叙其生平之事附諸驥尾云

嘉慶二十二年歲次戊寅七月朔旦 雅溪邑庠生盧 傳拜撰

泰九十九伯父聖堅公行傳

凡人生斯世當以率真爲要故孔聖人有云直者吾知其爲狂  
愿者吾知其爲侗信者吾知其爲慳七人能率真而不漓焉則  
甘受和白受采始可完大璞之美耳吾伯父諱光松字聖堅號  
赤城泰九十九其行際一百三十一之次子也爲人忠厚樸誠  
不尙浮華事父母克孝處兄弟極和不愧萊子之風生平不一  
言苟不一行戲事七循踏規矩一路坦七平七人人稱謂有福  
德者然也厥配木香李氏有淑德內則素嫻不愧婦道孝事舅  
姑睦和妯娌義方教子欵洽待賓與伯父相敬如賓至老不衰  
皆由吾伯父福德所致也厥子五長世烈次世照三世燾四世  
勲幼世熙皆克勤克儉無忝子職女一適徐孝子裔孫徐嘉言






光潤公德配母姨李太君行述

泰一百廿四

余母姨李太君嬪于斯光潤公之德配昔奉母命往候登堂而拜見其端莊貞靜治家嚴肅子婦中皆循匕有禮與吾母平日所稱道者相符也歲至戊寅斯氏重修宗譜表弟諱世英持母行蹟丐余識述余曰是母姨也知之悉矣雖不文不敢辭太君余外叔祖桂坡李俊馘公幼女也俊馘公生二女無子家業微寒太君姊妹事親至孝又極工於女紅紡織針黹以助家資于歸以後常遣人送膳養老之物無不悉備七十餘歲竟以壽終喪葬盡哀盡禮當時人謂俊馘公有女勝於有子者矣二十歲適斯敬事舅姑順相夫子和聯妯娌光潤公篤于友愛與二弟同居共爨太君待叔愛敬並至主持中饋承祭筵賓適得其宜



凡一切內事操作不辭辛苦爲衆婦倡率二十餘年如一日也  
光潤公五十歲染病不起敬事湯藥對天祈禱欲以身代光潤  
公謂之曰作家之道爾所素嫻吾不必言也教養我子成立得  
繼先人遺訓吾瞑目矣就枕而逝太君痛哭欲絕殞而復蘇嗣  
後益勵清操荆釵裙布老而彌勤今六十一歲子四長世英次  
世雄三世寧四世宇孫三德澧德標德楷女二長適城西庠生  
諸葛表次適桂坡李家業日盛天之報施善人宜然實太君功  
苦辛勤所致也余因述其巔末併俟後之椽筆而爲之傳云

皆


嘉慶二十三年歲次戊寅荷月之吉

邑庠生愚甥韋

謙百拜撰

泰一百三十六斯君山泉行略

蓋莫爲之前雖美弗彰莫爲之後雖盛弗傳吾邑斯氏創於漢而盛於茲思貞筆業孝義開家恩誥勅命炳載史冊流芳今古歷唐宋元明雖不無時移勢殊之感幸代有偉人行義表上淵源因以不斷延及於今人往風微或恐疑忌頻起規模難振徒傷砥流之鮮耳孰知嶽降嵩生賢豪崛起如孝子祠庠生諱光槐字聖植山泉其號學有本源動念先德掃猜嫌疑忌之習而敦木本水源之思如僉憲公所建孝子祠傾頽能出貲以助重新慷慨不吝邑侯向公創造考棚踴躍向前捐助不辭凡橋梁寺院皆樂善好施焉迨推其生平挽旣墜之箕裘存無窮之祀事待子姪輩較諸伯道之存孤亦無容讓耳佳配奧里黃氏





出自名門于歸孝里宜室宜家克勤克儉女紅中饋兼臻其美  
相夫子以主持風教里黨毫無間言嗟也前此千百餘載既代  
有偉人以紹忠貞之烈後此千百餘年又篤生平君以振孝義  
之風是美有與彰盛有與傳誠可與純孝公僉憲公諸君子後  
先輝映者忠孝之流澤不綦重乎厥子四皆勤讀勤耕厥孫五  
嶄然見頭角茲當譜牒重新因并撮其大端一二而爲識之若  
孝親敬長和宗睦族以及交友惠下之道非君之所難故略而  
不贅

皆

嘉慶歲在戊寅天中節後三日

屋至邑廩生吳兆燈拜撰

泰一百四十四廷俊公行傳

蓋積善之家必有餘慶。天人之感應習之所載，歷有明証。如公諱光汝，字廷俊，號逸亭。泰一百四十四，其行際九十三之幼子也。其貌古，其性柔，其心忠，且直。自幼以勤儉作家，食不厭粗糲，衣不願文華，竊謂饘粥可以養生，布衣可以庇寒，艱苦備嘗，家業漸裕，故不爲子皮端木而富，擬陶朱依然。有子荆風，令人擊節不置焉。其在鄉黨，又能周人之急，濟人之難，每遇臘月，凡貧無以爲年者，叩門無不允諾。或故難之，謂爲我心已許，如復拒令彼何以卒歲？以視世之坐擁倉箱，聞人之難，藐不相關者，大相逕庭矣。是公之旣富而又能好行其德也。公生乾隆戊寅九月初七日卯時，卒嘉慶癸酉六月十四日申時，享年五十有六。

白其... 卷之十一  
三  
嫡配前山胡氏生三子繼娶張氏生一子並有淑德克盡婦道  
治家一如公之勤儉公與胡氏合墓本都喬宅當時俱稱佳城  
有墓圖繪載集中傳於後世長世珍早遊郡庠聲譽噴七不愧  
克家次世琳三世琅幼世玕秉性卓犖品概超凡頭角崢嶸讀  
書英敏懿孫德聰德智德善德容芝蘭芽茁挺秀非常將來瓜  
瓞綿七爭光門閭克昌厥後可預爲公卜也非所謂積善餘於  
子孫者乎今著雍攝提格之歲值族宗譜鼎新余不辭謏陋以  
傳其大槩云


皆

嘉慶二十三年歲次戊寅六月天貺節

雅溪邑庠生盧汝材拜撰

佳諱  
巷 光興行略

鄉飲賓泰三百九十六諱光興字興玉爲際四百七公之長子也德配許氏系出名門來歸吾兄相見如賓齊眉偕老福履之綏稱於遠近桂子二長世烈能言有幹略次世勳勤儉克家蘭孫六德崇德修德清德恭德寬德信俱崢嶸有起色淑女三蘭孫女九俱配名門兄生於乾隆癸丑六月廿九日戌時卒於同治戊辰二月初八日巳時兄之生平立身處世忠厚樸誠中有霽月光風之概故薰其德者彷彿黃叔度焉聞其言者感懷魯仲連焉且也家本饒腴不樂爲守錢虜凡借貸則不計錙銖遇勸輸則率先慷慨里中所與居遊輩罔非父兄子弟之倫暇時課耕課讀孝弟忠信外無一語波及挾邪以故行年七十杖履



白不其止  
卷之十一  
三

悠優邑廣文徵爲鄉飲賓足跡處無少長咸敬禮之所以世路  
嶮嶇人事叵測雖君子不必無橫逆之遭公庭之訟而卒無損  
乎抱璞之自完也棠與兄少長時便得承下風故雖雲山間隔  
不獲朝夕聆教誨而始終行實稔悉其詳有不敢不於家乘中  
略記其槩以示後云

光緒三年十月上澣之吉

從弟郡增生培棠拜識

泰五百十八鄉飲賓錦亭斯翁行略

翁諱光瑛字端玉號錦亭泰五百十八其行者自吳赤烏漢孝子敦公之嫡裔際三百六十四之幼哲也余聞翁幼時聰明邁衆穎悟非常誦詩讀書名師莫不咸器望之無如昆季有五而翁居幼一日兄若弟各自分居成家立業翁遂棄舉子業而理家政無少懈怠焉至於事親盡其力奉長盡其恭延師盡其敬交友盡其誠卽里中有角是非爭曲直者得翁排解之靡不快然各服其心美哉翁也誠不愧爲孝子之後裔也迨年近古稀精神矍鑠猶能肯構肯堂繩其祖武然此不足爲翁之奇也且觀白石嶺下獨手捐建鳳山亭藉憇勞役又於雞冠山前創造石版橋施濟往來愈可見翁之心有出於仁與義者矣雖然翁

白石其戶... 卷之十三  
之若是亦賴內助之贖耳內助者何厥惟單氏貞靜有淑德雖  
翁之賓客駢臻工司雲集而中饋自如不聞有詬誶聲賢角間  
里舉丈夫子五長世宰次世臣都習儒業翼序蜚英可倚馬待  
三世卿四世相五世佐俱見頭角崢嶸振匕有玉麟瑞女四各  
適名門蘭孫四德清德深德崇德嵩讀書肄業將摩霄凌漢亦  
大有厚望所謂積善之家必有餘慶其惟翁歟余與長嗣世宰  
情同管鮑禮尚往來洞悉翁之生平行事本末適值家乘重修  
因誌其大概以昭示來茲云

昔

光緒三年歲次丁丑小陽月下浣之吉

眷姪龔啟蘅拜撰

運六圖南翁王氏安人合傳

斯氏自赤烏以來忠孝彪炳於史藉文學昭彰乎邑志凡有名教所關閩範攸係者亦悉載家乘以垂不朽則翁與安人之同德詎忍湮沒弗彰哉翁諱世鵬字雲飛圖南其號善奉高堂篤愛諸季自少好讀書長拔郡案元入泮名振文壇屢屈棘闈而翁安之若素唯以敦行勵俗爲己任故族中事無鉅細悉諮而行之其正直素爲人信服也至生平所與遊者漢水趙煥文平江樓上層蓼埜吳國鴻諸先生夙稱莫逆交卽後進潛心考道有志通經亦樂爲忘年友談論詩文矩矱悉本先民不肯少徇俗尙其有裨於後學者豈淺鮮乎安人王氏正誼翁三女也粧奩甚厚驕色不形孝舅姑和妯娌善逮婦下道克盡焉佐翁礪



行教子成名隆禮師賓敬欵親戚諸父老稱道弗衰至翁爲人  
假貸率以已財償之無怨言無怒色其量宏類如此噫內外同  
德宜爲皇天眷佑不意丈夫子四長諱尚德邑庠生予之次姐  
丈也次諱德全予之族姑丈也三諱德裕四諱德順十餘年間  
相繼而逝抑何報施之薄耶然困而復泰衰而必盛安見不有  
賢孫蔚起丕振家聲以獲天之厚報也哉予黍末戚見聞素悉  
不敢辭舛鄙略舉大概而爲之傳

皆

嘉慶二十三年歲次戊寅孟秋月之吉

眷姻姪邑庠生吳日新頓首拜撰

運一百十三郡庠生璧齋行略

吳寧斯氏八大姓之一也廷尉公諱偉忠直貞義載諸史冊孝子公諱敦上書替罪名傳奕世爲子孫者每恐極盛難繼不克負荷耳族有世珍字儒玉號璧齋讀書英敏穎悟不凡及旣壯服事椿萱孝道無忝事繼母如親母出必面告入必問視族內老成人皆器重之可謂斯氏有人矣歲在辛未年二十有三奉父命負笈從師矢志破浪邑候王公縣試拔前茅府試如之至冬周學憲按臨歲試視其俊秀有穿楊之技遂登郡庠此固子之克肖亦由光汝公之積善所致也歲在癸酉光汝公逝世厥弟三人未及老成世珍竭力經營肩理家政聘取弟媳延師訓誨無不周至配孫氏有淑德秉性溫柔治家勤儉生四子

日在... 卷之十一  
德聰德智德善德容皆嶄然見頭角昆弟子姪聚樂一堂豈非  
族中之罕覯者哉所尤難者光汝公未卜佳城世珍乃慨然嘆  
曰覩斯荒烟野蔓荆棘縱橫風淒露冷吾父若母安知金玉之  
精不化爲朽壤耶遂卜吉於族之屋東後厥土剛燥山水秀麗  
不惜重費購之誠足貽死者以安也而又刻其墓圖之所由來  
界限之所由至俾後世子孫按圖而考墓址劃然孝弟之心不  
覺油然而生矣今世珍年近三旬果能亢宗有志德行是修安知  
不如廷尉公以貞義傳孝子公以孝行名乎茲當譜牒重新爰  
舉其大概以贈之  
昔

嘉慶二十三年歲次戊寅六月天貺節

雅溪邑庠生盧汝材拜撰

襟丈斯玉堂二姨吳氏安人合傳

襟丈諱尙德字汝詔玉堂其號也乾隆辛卯壬辰二載與吾共  
芸窻好讀經書詩文並進而書法尤佳有顏魯公體格爲趙煥  
文夫子所深許後蜚聲鬢序每應科試輒冠前列和睦宗族厚  
待媼戚饒有祖父風元配吳氏予之次姨也少嫻內則事父母  
以孝待姊妹以和愛兄弟以誠夙稱閨中之秀及適斯門善承  
舅姑之志曲體妯娌之情相君子以成名課女紅而無怠宜其  
爲圖南翁王太君所愛也不幸年四十有三一疾而逝生一子  
二女子諱學海克勤克儉不尚浮華二女俱婉柔有德孫名大  
鈞頭角崢嶸姿性邁俗則我望家風大振以榮耀祖先者其在  
斯乎今譜牒重新予忝連襟之戚故不辭謏陋而爲之傳





興四百八十二鳳山公行傳

歲戊申長夏余養痾山中友人斯子芾南冒暑踵門告曰寒族  
現修家乘先祖鳳山公弟愧無可以顯揚之者請吾子傳之余  
於斯氏多舊相識而與芾南交最密鳳山公之梗概又知之特  
詳不得以不斐辭越旬月病稍愈謹援筆而爲之傳曰公諱首  
烈字嘉謨號鳳山斯其姓白石邨人也始祖廷尉公偉二世祖  
孝子公敦自漢晉六朝迄隋唐趙宋代有聞人至元末仍三府  
君始卜居白石之原舊德先疇淵源遠矣公少負異材有四方  
志不屑爲咕畢學比長以高堂垂邁食指繁多遂歛其縱橫揮  
斥之才施之於家政甘旨承歡埴篋叶奏長幼內外綱紀肅然  
接人必以誠與父言慈與子言孝遇急難事叩無不應或有訴

不平者必準理酌情諄詳勸解不聽則嚴詞以折之蓋正直之氣先聲奪人故人無不畏也然里中卒賴以無事尤篤于奉先道光三年間族中議修家廟而缺於貲公首倡義率同派者捐造中堂由是彼此樂輸門庭寢室煥然改觀又慮春秋無以供祀事舉前人所糾新聚會而筦鑰之出納之歷有年所生息滋豐今之蘋藻牲幣告潔告充不取諸公常而裕如者皆公之力也我

聖朝褒崇先烈寵錫明禋凡忠臣孝子後皆令舉一人奉祀有司孝子公故循例核舉族人咸曰是非公不可遂以其名應隆恩下賁冠帶我七入廟告虔實司七見者榮之而公方懼涼德弗堪無以率循祖武益用慄七也性樸素奉身以約布衣疏


食外無長物門庭整潔座無雜賓惟遇讀書人至則杯酒言歡  
媿媿不倦若其精神矍鑠逾老不衰年屆八旬猶勤穡事或勸  
之曰子老矣子孫又無慮何弗善自頤養而乃僕也為公曰吾  
旦夕就木詎不懷安顧念沃土不材逸也吾恐惰慢之氣設於  
身體子孫效之即墮家聲職是故耳嗚呼若公者可謂善詒謀  
矣公生於乾隆己卯年七月初一日以道光丙午年六月十二  
日卒享壽八十有八德配樓氏亦年登上壽先公卒丈夫子三  
長獻蓀次獻儀幼獻清孫六長培棠即芾南郡文學次光表光  
被光稟光國光前曾孫五世鏞世華世銓世求世康駿也鵲起  
未有艾也家乘之修芾南實董其事因其請為臚列之如左

皆



道光二十八年歲次戊申桂月之吉

晚生吳友虞頓首拜撰



Faint vertical text columns, likely bleed-through from the reverse side of the page. The characters are mostly illegible due to fading.

際二百八十八孟雲太翁暨駱氏太君傳

太上立德次立功次立言尙已而德周寰宇爲德德善一身亦  
德功兼施濟爲功功及鄉閭亦功言垂竹帛爲言也迪子弟亦  
言懿哉孟雲公也承賢孝之後起居恂也失祖意當稠雜繫  
劇時後生小子競事喧譁錯也冠裳恆有不謹處察公行止尺  
寸自如縱不明責後進而後生小子亦稍也敬而少歛也耕雲  
一塢鋤月一畦陶也然自若暇則課子讀書彼不求聞達閭德  
自持其斯人歟夫木大者枝每枯族繁者支間絕故若敖之鬼  
具餒忽諸之魂抱痛縉紳先生蹙焉傷之翁則于房分乏祀者  
竭力發生奉祀春野蔬秋田黍均沐馨香云又建新聚祠會使  
累代考妣原原本本礎屬瓜仍嗚呼功亦偉已遠觀同巷子弟



父言慈子言孝兄言友弟言恭詢之咸謂我輩領孟雲公語不敢忘由斯以譚翁之立言不可想乎夫以人情之澆也舍畎畝勿事子若弟縱黃熊求食絕不少顧及一產一會出稍有利輒從旁睨視熟計攫之聞孟雲公之風抑亦可以稍愧矣而宮有良佐而君道成家有淑配而夫行善太君駱氏之助爲不少焉子四長光鎬醇謹足欽三光泰尤慷慨仗義有魯連風厥孫世棠等讀書肄業將摩霄凌漢太有厚望要非翁之實德不足以致此因謹述之以爲鄉黨好修者勸

道光二十八年十月

愚壻諸葛裘拜撰

泰百三十六山泉府君傳

天生攷槃碩人有守有爲不至坐繩床而甘爲竈北隱者無他  
根孝友之性於內行義以達諸一鄉一邑也邑之斯孝鄉山泉  
公諱光槐字聖植生有淳行夙誦清芬其族向有孝子公祠生  
派下以公爲當合請於縣補之公叙行居三素效姜肱其被之  
樂未幾鵠原抱痛莫與持門每自問不忍冗務累親一切家政  
毅然獨任凡所區畫一器一物之微整有條理待姪輩珍如已  
子歲延師長館下有客來告必親斟酒自飲不過一蕉而已事  
無大小苟利於人罔不樂輸金帛以勸厥美在昔嘗與師有言  
人生大節無過養生送死所由嚴侍卽世哀毀柴立幾至滅性  
而顧卓起以承父志上治寢廟樸斲丹堊刻日葺事且於大宗




落成之後卽率男集本支歛貲生息預爲小宗謀始人僉曰心  
工如某恐不可支豈知年屆八旬足如趁飛雲之履手不藉扶  
老之藤神怡氣清不啻胎鶴之在喬松上矣懸弧之吉義邑虞  
公東筠特書方大壽字裝潢以祝他若懿親密友以及嵇阮之  
來游咸爲歌頌鑑球玉於在懸奏宮商於一片不圖孝友之感  
人至於斯之盛也德配黃氏安人載生四傑曰俊曰儒曰偉曰  
仁兄若弟欵也然肯以父之志於祖者志於其父卽於道光之  
癸卯年聚所息之貲庀材定槩恢廓堂基得祔二人於鼎俎之  
旁誠非昔日公之涵育薰陶不及此至於今宜乎發祥衍慶烏  
奕靡旣矣予忝在葭莩不辭窺斑之誚先占一槁以俟後之大  
筆手濤鑄偉詞岳崢高格也可

皆

道光戊申年荷月

姻姪邑增生李品蘭拜撰



並米如申半荷只

昔

臨海郡志卷之四



泰百三十六黃氏安人傳

歲在壬申借閱鄉前輩懷白先生詩稿得謁光槐斯公於其室見夫小大子弟衣冠樸遯進退有恒而知安人黃氏之正位乎內者蓋以整暇之素著爲表率之儀其後輒以喜慶入見衿韞治饌屢醉亦不余鄙今歲家乘重修兼搜傳紀自其東坦朝陽宗丈予之同門友適蒲節致書於予以爲白石斯氏宗書將成於十月間德如先岳母太孺人先生知之已素不有大筆遺之以傳則無以昭茲來許以是徵言於予予豈能言者哉然卽能言而第以機鳴夜月杼響秋颺用嘉乃績未免窺斑而究不足以闡安人之實夫安人爲五代晉尙書遂後嫻於姆訓非一朝夕矣入門而御媪騰懽旣饋而公姑皆喜不徒尙乎瓊華而已



白其日... 卷之十一  
三  
既而奉箕帚執巾悅以及請紉請澣孜孜焉有志承顏而猶虞  
未逮且分屬季婦或芸館燕師或蓮池散社一觴一豆必折於  
家婦而不敢攸遂以故交相爲愛未嘗一日離也既而丁男日  
盛不已析箸而各自持門明動晦休無日以怠卽加之食工緝  
廟婚嫁杳來亦秩然行所無事而不以爲擾耳他若從公之舉  
向義之行有資於其家者皆安人貳之謹奉清塵惟恐後宜其  
介以景福孫子盈庭如王夫人之於右軍也予之此言雖屬覲  
縷亦從其實而已矣如其潤色自在東里故不繁云

皆

道光戊申年荷月

姻姪邑增生李品蘭拜撰

泰二百三十七靜齋兄傳

靜齋兄者長余二十有六年余以隔居里許又少遊學他方不獲親其教誨顧與先祖鳳山公共事最久余先祖每稱述之謂其行其事與其人之性情幹略往匕可爲一鄉式他日續修宗譜爾其傳之以示後故余生也晚亦獲備知兄之梗概兄幼而穎異長而敦敏口期匕不必懸河然茹吐之下金石不啻也最好尊祖敬宗倡率義舉而其大者如大宗祠之修也鳩工庀材奔馳幹辦不言勞瘁而廟貌賴以一新可知識大體者迺能立大功也跡其一點至誠尤見於勦成新聚祠會置祀產肇明禋經理數十餘歲公而忘私兼之一切祭器數典靡遺迄今手澤宛與祖澤俱新焉他若善居室則爲子荆工排解則爲魯連猶

其事之猶夫人焉者也奈天奪其筭知命而往而其行其事噴  
噴人口雖死猶生古稱一鄉善士兄其流亞歟配東樓氏貞靜  
有淑德雖吾兄賓客往還無虛日而中饋裕如不聞詬誶內助  
之賢角閭里焉舉丈夫子三長世賢次世昌醇謹克家幼世勲  
尤能讀克紹箕裘二女適俱望族蘭孫五德茂德高德輝德盛  
德山亦振也。有玉麟瑞然則天道福善洵於吾兄有明徵矣兄  
生於乾隆甲辰二月十一日卯時卒於道光癸巳二月十九日  
戌時諱光字景清靜齋其號泰二百三十七其行也


皆

道光二十八年歲次戊申桂月之吉

從弟培棠識

太學生海樓斯君傳

君諱光容字恆美號海樓斯其姓邑之白石村人吳大帝赤烏元年旌表孝子敦公之裔也祖諱首慎父諱獻芭世業相承代有隱德君生而端重寡言笑卅角就傅學書計必敬必恭里黨咸噐之比長肩家政秋燈把卷春雨稽田且讀且耕旁及持籌服賈之事侍堂上先意承志能得歡心待伯叔兄弟敬處鄉里和遇事無芥蒂不預設可否不過分黑白俟衆議旣集徐以一言贊之家不踰中人產而性慷慨好義初祖廟就圯衆議更張之而艱於貲君慨然曰吾先人以孝友傳家迄今垂二千餘年食德未艾凡我小子聰聽弗迷况營宗廟以妥先靈尤孝之先務豈可以無貲諉乎且家產卽常產也惟有力者是任奚憚焉



白其日... 卷之十一  
三  
遂倡義捐錢三十緡又邀同派者捐若干緡鳩工飭材揀之度  
之寢成有衻已而中庭堂塾以次落成君猶以爲未也又獨建  
大門繚以垣墻而廟制翼翼矣由泗渡溪而上東西孔道也風  
雨長途無所底止行者苦之爲捐建指楓亭藉憇勞役又於里  
門外建石橋以濟往來歲歉親隣告貸量力之所至調卹之他  
義舉多稱是年四十以資入上舍延師課子花酒自娛足跡不  
履訟庭間歲或一至城任外間擾攘聲聒其耳若不聞至於月  
夕花晨賓朋雜沓倒中郎之屣啣樂聖之杯拇戰興酣爲長夜  
飲玉山忽頽鼻鼾七作聲以是老於醉鄉更不知有人世間事  
其殆無懷氏之民也歟君生於乾隆辛亥年十二月十六日以  
今年二月廿六日卒得年五十有八娶杜氏繼娶王氏子二長

世良次世善嘗從余遊醇謹有父風女二皆適人南岑吳友虞  
曰昔余假館斯氏之凌雲書屋始獲交於君其後情款益密悉  
君生平信渾厚人也吾聞容容多厚福而君年僅登中壽豈天  
尚有所俟歟語曰不於其身於其後君往矣吾將於君之後人  
驗之

道光戊申十月之吉

南岑吳友虞撰

維

大清道光二十八年歲次戊申二月乙亥朔越二十有九日癸卯

姻弟龔繼潮等謹以瓣香束楮之儀致祭于

海樓斯老先生之靈前曰嗚呼南極星寒北邙風妬樹慘長埋  
人歸大暮赤烏著姓白石名門英姿幼挺至性夙敦陔雨馨蘭

庭陰護竹祖義本仁敬宗收族春鬢摩鵠夏閣翻螢鴻都射策  
虎觀談經乃歛國華聿施家政克儉克勤必恭必敬持身以恕  
接物惟和人言無間僅約非苛魯國輕金楚人重諾義問宣著  
仁聲昭灼橋成鞭石亭翼指楓恩覃涸鮒惠及嗽鴻詩酒襟懷  
烟霞氣宇竹裏留嵇花間住杜義方之訓穀似之貽雙珠並耀  
兩驥交馳共迓壬純方綿甲紀指使鳧趨心言燕喜何期鶴馭  
遽返鸞驂痛遭陽九誰與齡三閭宛春明蓬山花放想揖彭佺  
偕遊汗漫繼潮等芬叨萃末誼切蘭心斷金夙契曼玉同欽舟  
壑難防人琴頓杳悵望黃腸傷心丹旄蒿歌一曲桂醕千醺典  
型勿替明德惟馨尙饗

運三十二世昌翁行傳

丹山之南白石之下占百行之先而獨以孝名鄉者宋濂先生所謂其一曰斯是也其澳修竹森然以茂其隰喬松蒼然以深池可以苗魚地可以蒔茶惟翁諱世昌字時盛食先人之順德又從而振起之自少就傅便知惜楮墨一出一人謹於諸弟子越數年聽解深耕易耨一節遂悅然於民生在勤而暇日尤爲不可忽也比長竭力造家而以積儉守約爲志歲時伏臘則必取雞黍之餘招子姪而次分之每桑落尤喜釀酒以供客自飲不過五合而酣適之味乃過於客暢所欲言胷中亦不留一物嘗謂人生保身投以葯石不如自薄滋味故幅巾曳履往來於眷戚之庭皆以爲難老年已高其於園中隙地猶復出其餘力



日增治之均之瓜瓞葱薤無一不生脆而添肥者無他適乎物  
之性以相土之宜也歲在戊子藉所出之貲環構一室雖囊有  
餘金困有餘粟而未嘗不圖匱於豐防儉於逸耳且其心亦無  
逸之非勤有頃對旭日而散鷄豚以呼以粥竊自詡爲娛老生  
涯而不知落花風軟喚我茶者已舉案在前矣予得相見鬚眉  
以想其風味信乎有似夫羲皇以上人歟娶陳宅樵公裔女相  
敬如賓丈夫子四長君德音兄邑夫大邵公舉爲鄉祭酒是年  
寢旣成而孔安之厥功甚偉孫八人耕讀皆習有業闔庭逢吉  
餘澤至今正未有艾也頃因舊好之請略敘生平之概垂諸家  
乘俾得昭示來茲云

道光戊申年荷月

眷弟邑增生李品蘭拜撰

運四十四世盛公行傳

從來忠厚有餘者才智不足此其大較也余觀斯公諱世盛者字時明運四十四其行漢孝子敦公之苗裔也生平恂也似不能言幾若碌也無所短長豈知和順積而英華發里中有角是非爭曲直者得公排解之靡不快然各服其於言論風采何如耶然此非所以見其才智也公嘗念木本水源支分派別有大宗不可無小宗自桐院聚族以來瓜瓞既綿而不克創建廟寢以別宗支敦親睦心殊快也於是大議起而衆莫之應以爲所費浩大而力不逮耳公乃與衆計議或常出或私助或各房平捐多方以諭之聞者莫不踴躍焉公遂竭力仔肩與堂弟世仁及姪德音等鳩工庀材艱辛備歷無少懈怠亦無自伐其勞之

白其日... 卷之十一  
意未幾落成有日廟貌頓新規模宏廓制度詳明庶有以妥先  
靈而光祖德矣非甚才知曷克臻此而公實本忠厚以行之者  
也則又見其和衷共濟焉淑配李氏相敬如賓生五子而李氏  
歿時公年未不惑憂深思遠茲不更續五子德普德高德立德  
標德福俱稱克家五孫學淮學訓學富學宏學泉莫不卓有頭  
角可謂積善之家必有餘慶性好讀書延師長必致敬盡禮教  
子與孫義方特著而年踰古稀但見矍鑠哉此翁何莫非厚德  
之所以載福也於是乎傳

皆

道光戊申秋月上浣之吉

眷姪樓錫朋拜撰

儼山先生暨周氏安人傳

儼山諱世英赤烏孝裔也束髮時嶄匕露頭角塾師以阿鴻器  
之年十三受知於楚北儀陪李星使卅角探芹耳目者群譽以  
惠連春草矣所交悉俊秀落落有老成風無何乃翁早逝諸弟  
幼公率以盡禮塋祭罔忒夫以藐諸姑依弱母戚友多嗟惜爲  
儼山難其任顧迺率諸弟循匕就範母每顧之而樂諸向所嗟  
惜者不時過從咸欣喜過望謂乃翁不死諸弟漸姻娶婚嫁務  
完時復焚香點易課子弟經超然若世外者縱海網遺珊閭琨  
剩玉樂與後生子弟執藝觀場初不以得失爲念嘗謂人生力  
學貴有本耳峩冠博帶金玉敗絮者本實先撥安足寶故公或  
偶出片詩隻藝人亦往匕賞識之是知米之一葉舟陶之五株

白其日... 卷之十一  
柳諒自有天地間至樂哉人人世以險巖君以坦人用情以詖  
譎君以真人持身以繁縟瑣屑君以便捷簡易規君節槩抑亦  
可與道古人風矣

睿宗皇帝戊寅年族中彙譜君理之自始至竣少長咸無間言奉  
母至髦年未嘗少拂意抑亦安人周氏輔相有裨云子一名德  
澧醇謹承父風一女適國學生金卿雲長子本克秩然持家有  
範厥孫蘭姿惠質已徵不凡想天之報施善人未嘗或爽良有  
然夫良有然夫

皆

道光戊申年陽月之吉

姻弟少廬諸葛裘拜撰

際三百十三獻初公壽文

今夫壽之難得也伊古尙已粵稽養老引年之典王制迭載堯  
以來有虞氏以燕禮夏后氏以饗禮殷人以食禮周人脩而兼  
用之皆所以明尙齒也尙其齒者尙其德也謂夫年高者德迺  
邵實德邵者年迺高也以故曰耄曰耄品其數杖國杖朝隆其  
禮貳膳常珍渥其養三代而下漢晉唐明代延故事迨

國朝光被上下人瑞日徵於斯禮尤爲跨古其自六十以上衣帛  
食肉廣沛 恩綸苟有年登八十者頌之加異數焉恭維我

汝元翁者系出孝子敦公之後爲白石斯氏之望自幼粗知書  
未嘗好言黃老術而櫛沐風雨磨鍊精神寒暑遞更童顏不改  
初翁之荷 帝賚也年已七十髮不見種 語不聞諄 邑



43


大夫望而奇之有疑年焉曰此翁何矍鑠也喬松之壽容有量乎駒足流光鶴籌添筭而今又八十矣於是天子方隆耆老之恩而我翁重受衣冠之錫子桂孫蘭濟濟而上祝期頤福履之綏更何如耶而追溯其難老之由斷斷無他處去浚接人和忠厚樸誠陶情淑性此外非所知也故春韭秋菘皆遠養之鉛華即解難排紛非敝神之案牘以是知翁之壽壽於天亦壽於德也茲值我翁懸弧之旦用晉攬揆之祝為我翁侑一觴云

皆

道光十四年歲次甲午春王正月

眷晚生南岑吳友虞拜撰

...



肇選翁六十聯咏壽叙


歲昭陽單闕嘉平月七日羣賢畢集於斯氏堂介肇選翁六十  
壽也維時一堂之上觴咏陶然無不字疊璣瓊言綴珠貝則有  
舉觶而賦龜鶴之什者陳子纘庭也曰元衣督郵乃遊芳蓮蓬  
萊羽士乃集芝田一龜一鶴各千餘年先生則之厥壽綿亾賦  
圭璋之什者周子雪香也曰剡上爲圭牛圭爲璋山輝玉韞水  
媚珠藏追琢躋之清廟明堂惟翁比德譽重鄉邦而許子虛谷  
爲之倣擊壤之歌曰鑿井而飲耕田而食逸不忘勞居思其職  
豈無袞裳不事華飾豈無珍羞不如黍稷任子錦帆賦萊衣之  
句曰斑亾萊綵肅亾穎羹有懷明發更篤友生樓名花萼樹擬  
田荆孟嘗高潔許武權衡曰金子逸清以瓜瓞比曰瓜如冠玉



白其日... 卷之十一  
三  
砥若纍珠葛之垂矣竹之立乎一夔振武四美撚鬚先生顧之  
其樂何如曰王子蘭臯則以薑桂興曰陽樸之薑瀛洲之桂老  
越酸辛睨傲蘭蕙玉杖塵封丹砂樹繫黃石赤松豈其苗裔賦  
成以寄益川張子張子誦之曰首章卜其壽也次頌其德次美  
其勤且儉次言其孝而友次羨其子孫逢吉末喻其康強不已  
集腋成裘乎顧吾思德也勤也儉也孝而友也皆孫於人者也  
壽也子係也康強也則係乎天者也夫善言天者驗之人善言  
人者本諸天諸子之賦之也其將由人而信之天哉抑將由天  
而推之人哉于是張子爲賦天人兩合之俚言焉其詞曰明明  
上帝傾覆栽培惟其人定是以天回門容駟馬庭植三槐翁靜  
俟之甲子重開  
東陽縣儒學訓導張之翰撰

鄉祭酒黻齋斯翁行略

翁諱獻蓀字肇黻黻齋其號者自吳赤烏間旌孝勅祀諱敦者  
裔也厥考鳳山公立心制行無忝孝子後是以學博特錫冠裳  
舉以主孝子祀母樓氏婦道職職然生翁昆季三翁居長生而  
軀幹脩偉步履端凝幼穉時卽不喜鳩車竹馬遊暨成人出就  
外傅力學不倦老宿輩咸器之未幾厥考有事於葺宗祊新宗  
譜勤勞公事日昃不遑復何堪以家務累翁爰慨然棄舉業而  
理家政以少紓厥考勞焉且非特服勞已也愉色婉容承懽膝  
下考若妣均得寬閒歲月以登耄耄年者雖考妣之仁所致亦  
翁之孝養有以致之也性勤動桑麻半徑煙雨一犁若樂而爲  
之初非出於勉強者而又儉以自奉衣冠樸素從無華侈事亦



白石其日... 卷之十一  
無吝嗇情諸凡義舉鳳山公所欲行者翁無不先意承旨而慷慨成之已雖無暇讀書而書香仍酷嗜迨子姪稍長鳳山公延名師課之翁旁督維嚴青燈夜雨懃懃不少懈而其待先生也忠且敬不惟館穀優渥而已若夫廣田疇新輪奐其佐父以裕乃家者猶不足爲翁覩縷耳年六十餘丁母氏艱哀毀骨立幾不欲生又恐傷厥考心而節哀忍涕旣而鳳山公以內治無主命翁兄弟析居翁不敢違而友愛之情要不以異炊間歲丙午鳳山公亦返仙鄉時翁年六十八矣白髮皤皤而哭泣不輒聞者莫不惻然蓋孺慕之誠本於至性者然也噫如翁者洵可於賓筵中高占一席矣德配施氏閩範堪型現今年六十九猶手挽鹿車眉齊鴻案談者艷焉舉丈夫子二長光鼎性豪爽

有學行領袖宮牆次光稟規行矩步克繩父跡女二俱適名門  
孫世求髫齡能雜誦穎悟非常行見筆花騰彩昂首雲衢孰非  
翁之厚德所醞釀者哉晚與翁本通家而令震光鼎先生延主  
家塾以課猶子輩者有年閒亦嘗誦述焉因得知翁甚悉不覺  
景仰念切而禱昧頓忘特識梗概如右以爲記載之權輿也云  
爾

昔

道光二十有八年歲次戊申秋八月之吉

眷晚生盧日竽拜撰


...入...申...吉

昔



泰二百四十五景哲兄行略

聞之人有不爲而後可以有爲斯言之廣卽在鄉曲人士蓋莫不然顧欲得其人以實之而卒不數覲惟吾兄諱光賢字景哲號壽山者其庶幾焉其爲人也晏子其身軀魏徵其斌媚而一種謹慄自守之節踴躍赴公之概垂老不少挫鼎也侍側有年稔知其素矣雖不能文而有美弗揚所不忍也夫以人欲之所存聖賢勿禁兄則家本小康迺能不御玩好不慕繁華臨財毋苟利可專而不專琴瑟中斷力能續而不續人以巧兄以拙人以智兄以愚一似與庸也者無以異而宗廟之事里閭冗務其所賴以相與有成者莫不勤勞罔懈焉卽今年界八旬猶能率脩家史懃也懇也爲吾族先非甚有志曷克臻此至於齊家嚴



整訓子義方撫仲季友于彌篤尤爲人所難能是真有造於宗  
族鄉黨者乎配吳氏伉儷甚諧薰其德者詬誶爲之頓釋舉丈  
夫子三長世起尤恂匕有父風懿孫四德美德芳德標德清芝  
蘭玉樹郁匕芬匕將來正未有艾抑亦可以見吾兄之蘊釀而  
啟後人以自植也因并識之以垂範云

皆

道光戊申菊月之吉

從弟培棠撰

泰四百五十一階平兄行略

兄諱光泰字視遠號岳山又號階平泰四百五十一其行際二百八十八之三哲漢孝子敦公五十四世之嫡裔也鼎自束髮誦讀之暇便得親承教誨稔知兄之言論風采行事本末而竊嘆兄之爲人殆有天授非人力也兄生而岐嶷在母不憂七歲遵周禮從胞兄光鎬出就外傅穎悟迥異塾師靡不器望之越數載齒加長最識得孝友二字一日誦詩至明發不寢有懷二人幡然謂其兄曰親老不歸養焉用子爲吾父母年皆古稀坐立須人兄學旣成勉爲顯揚計吾不可以遠負笈遂棄舉子業勤儉治家人產朝夕問膳拳匕得曾子意未幾二老相繼逝哀毀骨立居喪禮悉與經傳相脗合迨析爨惟兄意指纖毫無芥



白... 卷之十一  
三  
帶逾三旬始預宗族鄉黨事凡所措置攸往咸宜性尤慷慨好  
義族中有斬嗣續者則繼述之有如若敖氏之痛餒而者則隱  
其忽諸而存祀之且以大宗祀產希微兄能立集諸昆若孫特  
將首肇公租田一十五秤助入大宗以隆祀典蓋仁孝之心勃  
發不容已者然也若夫瑣七雀角一語冰釋無左右袒又何足  
爲吾兄嘖嘖耶茲兄年近知非將來德業正未可量配東樓氏  
安閑淑慎雅有賢母徽音子一名浩鬢序蜚英孫一德駸含飴  
在抱卓見頭角望而知其有造夫孰非兄之積德累仁之餘慶  
乎謏陋如鼎操觚家乘奚能寫兄萬一而情不能默因述兄之  
生平以誌其大略云 崑

道光戊申菊月上澣之吉

從弟光鼎撰

卓齋斯翁昆友合傳

四房

書曰惟孝友于兄弟其理蓋有以相及而要非肫然發於天性者不足以踐其實自來里巷之士莫不好名而名侈於實者不少其故非他皆爲之子孫者欲顯榮其父祖作者傳之非其真也然則有其實而未附以名其誰不樂標舉而爲之傳白石斯氏有昆季四人爲孝子公祠生山泉老人後長君諱世俊字傑士卓齋其號歷從名師游性豪爽好結友每對飲輒拇戰不下作詩文胷中又有勃然不可磨滅之氣然數奇屢蹶晚乃訓後進而記憶尤多現在局重緝宗書魯魚亥豕罔不詳攷而明辨之其仲氏曰世儒醇謹人也居平防儉於逸言笑有時穆然無所役其心知第延師以書課其孫曹客有不邀來者輒置酒飲

之不倦三曰世偉不幸奄忽不年其行事不少概見猶幸子又  
生孫有若序列第四諱世仁者號訥菴年踰齒讀書過目成誦  
暗倍如流著爲文筆甚波折識者將卜其遠到乃以不忍煩厥  
考蚤肩家政予甚爲之惜中年以還凡所區畫賸有噐識事旣  
入手不或因循苟且雖一介取攜嚴若萬鍾之辨以故族屬舉  
爲監譜領袖而外人更以老成隲事可否他若相得師友有以  
急告者務出所有如願以應茲三人者所性固各行其是而其  
嗜義若渴之心則無不同在昔建大宗兄若弟恪遵庭訓獨任  
中亭不日葺事尤能重葺而一新之歲在壬寅又合力剏造小  
宗涓吉相基址若干筵命匠石度材晨夜展力越明年成抑且  
綽楔光大古勲碑碣昭示來茲其暢所欲以爲宗祖計者靡不

畫美抵今年壽皆以授杖荆枝接萼怡怡一堂得失無競於心  
喜怒莫形其際既無黍乎長枕犬被又無媿乎伯壘仲篋則其  
友愛之發於天性以敘天倫之樂者爲何如也宜其清蔭滿庭  
而葉葉芝蘭沿階而蔚起者不可勝數矣古所云膏沃者光流  
根深者實遂其卽此志也夫

皆

道光戊申年

菊月

菴舟李品蘭謹撰



襟丈斯崑山先生名世琳字禹玉行略

崑山斯先生者余襟丈也其先本史氏漢孝子諱敦以父寃疏於朝賜姓斯以旌其孝而鄉亦因以名焉厥後伯鈴公以政著懷白公以詩名尙已先生厥考鄉祭酒逸亭公以勤儉起家先生善事之每春及率畚耒播種克承父志母胡氏早逝勿及養生事繼母張氏雞鳴盥漱晨滌夕灑始終無少懈伯兄庠生世珍尋逝遺四子先生撫之母異己出與叔季弟最友愛歌棣鄂吹埶篴雍雍怡怡天倫之樂有餘也娶屋至桃源公次女南屏公仲姝余先內女兄也有淑行事尊嫜先意承志奉賓客以敬處妯娌以和享祭則湘羹荐藻悉躬親之歸我先生幾三十有年矣相敬如賓無閒言雖古鮑宣之於少君梁鴻之於孟光毋多

讓焉居平以簡默自安與坐勿之間終日不一言至人以非意  
干之輒唯<sub>レ</sub>謝去雖唾面不顧其醇謹自羈貫時已然耳少從  
周樹棠盧德盛諸夫子遊肄六經悉通大義旋習韜試輒冠前  
茅以數奇不售後有以援例之說進者謂夫窮達命也蚤緣恥  
也何納粟爲乃襲漢孝子祠生春秋奉祀必誠必敬而亦不至  
遏軼前人光今年五旬有慶鬚眉鬢黑日初暎輒起鷲風毛雨  
幾無虛晷懿子三長德虞能幹事葺廟脩乘與有事焉次德夏  
幼德商俱克家孫三能讀小學芝蘭玉樹秀茁庭階正未有艾  
余與先生居相鄰壤相接又忝在葭葦故稔得先生之素略陳  
其概至於導揚碩德則有俟夫後之大手筆者

道光戊申年鞠秋之吉

襟愚弟邑廩生李棫陽拜撰

飲賓世燾公暨德配周氏行傳

運七十八

歲在強圉赤奮若辜月學使者按郡校士姻兄際可率其震卽大棧赴試受知於黃大宗師入邑庠余造門申賀款留酌酒筵間以先大父行略丐傳噫余生也晚未獲親炙光儀烏能僭筆爲撰述特以叨在姻戚誼難固辭謹尊所聞而誌之公姓斯諱世燾生卒已詳於譜系茲不贅叙行則運七十八也其先世官議卽諱敦者以大孝聞爲公始祖南朝御史諱權唐僉憲諱溢皆忠直震於當時公之嫡祖也公本簪纓世胄忠孝名裔故自少讀書卽通大義後因家政煩雜棄舉子業料理諸務井匕有條平生處已厚與人忠有以燃眉告者公探囊解之有以庚癸呼者公舉豆哺之有完國課而風颺鵝眼犯禁者公輒取已之



五銖錢什爲換之故都人士咸嘖也稱道公之德不惟諸戚友  
奉爲儀型卽庠序間行鄉飲禮亦憑採訪延爲賓而公不以爲  
榮淡如也娶周氏端莊靜一無非無儀允足爲公淑配克家子  
飲賓贈登仕郎諱德彰和宗睦里周急卹貧其制行一皆如公  
佳婦亦周氏名媛雅有賢淑風範長孫學虞卽丐傳者并幼孫  
學成皆例入成均曾孫大棧已補博士弟子員資稟卓異進步  
未可限量大杰大猶大懋俱英也玉立有名駒日元孫以治亦  
嶒能見頭角將耒子孫之盛高駟馬門第者可拭目待之昔蘇  
子三槐堂銘云仁者必有後余請執是以爲公證

光緒三年歲次丁丑十一月

乙亥

恩科舉人

姻晚生張寶基頓首拜撰

德鄰公行略

舅翁諱德隣字允有祝三其號也先君子嘗述翁之行誼謂是敦龐醇厚古道庶几余心儀之未獲親覩道範洎翁年登古稀鑿以祝壽趨庭始得親領言論風采乃恍然義皇上人也逮辛未鑿爲西席課耕之暇每與談心樂甚性嗜飲酒酣時嘗諄曰人生孝友其大端也勤儉持家其根本也處鄉里是非宜明而黑白無容太分也有公事力所能爲必先也人或有不非禮干雖無咎不可與校久之自愧然服也余聆是訓益不勝想見翁之爲人矣吾師芾南乃翁族之宿儒也論文之次談及翁之行誼亦推而尊之薦爲鄉祭酒翁以德薄力辭乙亥間我皇上新登大寶典重引年凡耆老皆得受覃恩而龍章寵錫

我翁別有榮賜焉茲者翁年七十有九鶴髮童顏精神矍鑠期  
頤可預介也元配杜氏鷄鳴戒旦綽有賢聲生一子學經立業  
成家克繩祖武繼娶李氏德性幽閒撫冢子如已出壽則長翁  
一歲日事紡織如少年孫二長大泮次大江穎悟過人授書卽  
能朗誦識者卜爲遠大噐曾孫一乳名竹苞亦頭角崢嶸詩曰  
俾爾熾而昌俾爾壽而臧翁其庶幾乎鬢不文不能爲翁傳然  
德如翁而不揚非鬢所敢忍也爰以玉牒將竣略誌大概以俟  
後之椽筆者

皆

光緒三年歲次丁丑下浣之吉

外男孫呂肇鬢頓首拜撰

飲賓德立翁傳

從來壽以仁基福緣善慶天之報施善人有由來矣白石飲賓諱德立字允本者鑿之翁舅也行紹五十五爲漢孝子敦公後裔係運四十四世盛公之哲嗣兄弟五雁序居三幼肄舉業知理義比長侍庭幃肫匕孺慕友昆季無間言以故合爨者三十餘年洎析居耰鋤箕帚亦無德色采芎藥種芙蓉究岐黃術全活沉疴不可枚舉故做天地生物之心而顏其堂曰大生尤精脉理著手生春造門請者足跡幾淹蔡蕪一時杏林橘井並厥稱焉至其性情慷慨義橋義渡樂施與而不吝爲諸姪禮師儒有加無已年逾甲子考終正寢理固然也德配樓氏生三女俱適名門膝下雖無冢子而囑猶子以承祧迹其繼志述事卽古

賢哲不啻也安知非天之所以善其後而隆其報也哉猶子爲  
誰名學榮卽胞兄德高之幼子也眼見丕振家聲孫一大奎執  
經於余殊軼儕輩論者卜厥後之寢昌焉翁生於嘉慶壬戌九  
月廿八日子時卒於同治癸亥九月初四日丑時享年六十有  
二天之所以福我翁者爲何如耶適余忝席西賓因其譜牒重  
新不揣謏陋敢據實而爲之傳

昔

光緒三年菊月上浣之吉

姻姪孫小坡呂肇鑾拜撰

大寶齋立齋翰

斯節婦單氏安人傳

斯節婦者予從壻男程正心之岳母也節婦系出南安單氏自其  
閨秀時秉性貞靜習女紅足不踰梱闕外父母雅鍾愛之年及  
笄歸白石斯公諱德周者家故不及中人產躬操作潔滌灑以  
事其姑嫜釵荆裙布里党皆嘖嘖稱其賢斯公體素羸弱喜勤  
劬每荷鍾而出自朝至于日中晷無刹那頃偷惰氏嘗慮其過  
勞輟止之曰何不辭困德乃爾也而勤儉性生追以擊齧輪以  
動摧所不計也無何疾成日且篤脫簪珥購藥餌百番祈禱訖  
罔效時氏年二十九未有子而夫君已溘然逝矣顛天捨地慟  
不欲生有持大義以諭之者曰盍爲夫君似續計乎他日伯叔  
之子有可繼者抱而撫之如所生也胡輕生爲氏乃忍淚節哀

稱未亡人拚擋治喪葬悉中禮節斯時也春可耕誰力諸原秋  
可樵誰採于山糞鹽薪米時或不繼藉紡織以傭生理雖嚴寒  
盛暑拮据拼抵無虛晷猶復積有餘資或買物而放生或捐貲  
以脩路凡有善舉莫不量力應之不亦難乎居數年有叔母產  
一子未離襁抱撫以爲先夫後嗣愛逾珍寶無如曇花一現不  
逾歲而殤命也何如悲奚有極氏今年五十六歲計守節已二  
十八年其間癸七子立茹苦含辛百憂感其心萬事勞其形歷  
饑荒兵燹而不變其操遇挫跌欺凌而不渝其守誠所謂志凜  
冰霜貞同金石者矣族之人慮其幽光之不發也合里隣紳士  
攬其實事上諸當道行見

褒榮之典錫于門閭胥宅里之光足表而節婦願始慰矣茲當

斯氏續修宗譜壻男程正心爲詳述其端末而請傳于予予乃  
卽其言而序次之是爲傳

光緒三年歲次丁丑菊月上澣

稟貢生程炳暹頓首撰

爲矢志苦守公叩詳請匾額以示獎勵以維風化事切三都白  
石庄氏斯德周之妻單氏現年五十六歲係五都南安單朝葉  
之女幼嫻姆訓承順無違及年二十一歲歸于斯卻餉相欽樊  
床下拜相夫君而車方挽鹿對孤影而鏡忽分鸞時當二十九  
歲人雖未亡誓惟有死鵲啼紅雨路同穴而馬鬣徒封鵠立青  
春侍高堂而雞鳴愈肅節而兼孝窮且益堅歷二十年長勵柏



松之操闕五十六歲有逾冰雪之清宜潛德之愈彰以幽光之  
必發實見窮簷苦志恩分國典光榮爲此據實公叩伏乞憲  
天大老爺恩賜詳給匾以示獎勵以維風化頂德上呈

咸豐辛酉科舉人揀選知縣趙宗普

同治乙亥科舉人徐鳳苞

廩貢生程炳暹

女壻程正心


族增生斯培棠  
監生斯尙疇

附生斯浩  
斯藩

光緒三年冬月  
呈

旌節婦李氏傳

旌節婦李氏小妹妹系出孔山李氏之閨女也年十七于歸余姪名雲選行名世鏞伉儷甚篤無何翁既逝其姑樓氏又卧病不起晨昏孝養先意承志始終四五年無遺力昊天不吊氏年二十八僅育一女而夫君世鏞病故號泣之哀震動閭里毀容治喪自殯而葬毫髮無失禮矢志守節足跡不踰閨棧者十二年惜不及循例請獎而嫦娥返月難留會同治九年庚午科徐大宗師按臨科試廩生徐有壬李毓棠等集轅呈請旌表李氏小妹妹青年苦節蒙賜匾額清標彤管四字以維風化一面批準通詳建坊並札東陽縣黃刻由本籍詳請會同辦理等因在案茲爰重修宗譜合略記其旌節緣由以備後之考核抑亦風






白石斯氏重修宗譜卷之十

懷白山房詩稿序

明山人稱詩家者甚衆孫太初盧次梗俞仲蔚王伯穀周公瑕  
沈嘉則莫廷韓謝茂秦最矯<sub>匕</sub>不群其後吾鄉有李允達斯惟  
武兩先生亦有聲吳越間允達遊王弇州先生門早亡惟武先  
生獨標赤幟與闕江湖元瑞徐伯陽章無逸家舅龔斯良家大  
人致之家兄賜如爲藝林交時予方志學之年追隨學詩先生  
取唐<sub>品彙</sub>評點二三人示余<sub>匕</sub>讀之乃擬唐體數篇以就正  
先生深相許可謂予曰操朱絃而志在山水截羗竹而音叶雌  
雄神理所通異域一室遂盡出其著述留予齋頭癸未甲寅間  
土氛變起遊地山庄藏書零落每憶先生詩苦恨其家不能紹



48

述散爲煙烟不遇其人搜葺流傳予偶至東陽有新安谷云大  
和尚來云先伯祖惟武詩一代名家蕪沒久矣今從各居士處  
搜輯若干敢借先生弁言付剗劂以垂不朽予別先生凡五十  
四載天在聲氣未有涓滴表彰少酬知己嗟乎余負先生哉余  
於是義不容辭因序曰先生幼舉茂才屢試不售遂棄舉子業  
坐臥羣籍寄情詩文謂非覽名山大川之勝以助吾學識則胸  
次不廣詩格不變於是足跡歷吳越燕齊及塞上歸神旺而眼  
界大學積而詞華矣其爲詩也雄渾沉着如歷下博大高閎如  
太倉謹嚴典雅如武昌或騷或選或唐神而明之其黃鐘大呂  
邪其清風白雪邪其奇花美女耶則所謂岐逕而能兼也穆叔  
云身沒而其言立於世謂之不朽桓譚云楊子書必傳而私憾

其不及見先生雖身沒而其言傳於後世且今之如桓譚者不  
乏其人豈以不親見而輕其言先生卽地下可無憾顧予序其  
藁先生心事如昨日然或亦涓滴表彰少酬知己乎嗟乎予又  
豈負先生哉谷云亡不惜歌者苦但傷知音稀有先生之知音  
而先伯祖之苦心具在先生伯祖於是爛焉稱明山人詩家以  
垂不朽矣先生諱一緒字惟武號懷白東陽之斯孝里人懷白  
山房詩集蓋谷云卽其號以名其集云

皆

康熙丁巳夏五月上浣

華川吳之文叔簡撰

東周下... 在八土...

皆

山... 精... 蓋... 谷... 云... 鳴... 其... 以... 其... 樂... 云

聖... 不... 亦... 矣... 夫... 主... 乾... 一... 辭... 字... 卦... 危... 難... 言... 自... 東... 國... 之... 故... 亦... 主... 人... 也... 曰

而... 夫... 論... 厥... 之... 苦... 心... 具... 在... 夫... 主... 前... 所... 領... 景... 臨... 萬... 物... 之... 入... 精... 靈... 也


若... 賢... 夫... 主... 道... 谷... 云... 山... 不... 辭... 焉... 昔... 世... 則... 歌... 音... 然... 亦... 去... 至... 云... 故... 在

樂... 夫... 主... 心... 事... 收... 報... 日... 然... 真... 衣... 削... 齋... 表... 淳... 少... 願... 賦... 正... 事... 與... 等... 于... 其

云... 其... 人... 豈... 以... 不... 殊... 良... 而... 雖... 其... 言... 夫... 主... 道... 與... 不... 行... 為... 善... 也... 于... 其

其... 不... 必... 見... 夫... 主... 道... 良... 妙... 而... 其... 言... 善... 效... 於... 世... 且... 今... 之... 故... 亦... 與... 善... 不

華川吳之...



懷白山房詩稿小序

公姓斯諱一緒字惟武東陽之斯孝里人父諱正由孝廉爲巴  
州守公少補邑弟子員累試不第遂棄置舉業專志耽習詩歌  
嘗持所業造徐子與胡元瑞兩先生門兩公甚嘉之爲人負氣  
豪宕不可羈繼浪游燕齊抵塞上每書刺輒曰浙東布衣某所  
至能褫豪士大夫氣無不以上客遇者萬歷戊午與徐伯陽龔  
季良陳大孚章無逸吳賜如諸君子爲八詠樓社吾郡詩教之  
昌惟公實爲盟長晚歲縱飲跣弛家貧至無擔石之儲素與家  
大人爲忘年友家大人憐其才傷其流落緩急必推解焉儻垂  
髻時猶及見其丰采抑亦狂者之流亞也公生嘉靖乙卯卒天  
啟丁卯既嗣罔克繼業遺集散亡儻特從故人家搜錄成帙藏




之篋中康熙甲辰示其族孫谷云和尚因壽棗梨以傳吉光片  
綵出爲世珍嗚呼哀矣

皆

康熙丁巳夏五月穀旦

附里後學盧士儂撰



方會江先生賓貢北上序

見金華文畧

漢平津以白衣不數載位天子三公封侯近古無多也然自晉平津年七十彼見夫輒徵輒罷則固已視文學名如贅疣矣藉令國人不固推必無顏復詣太常奏對卽復詣太常奏對而天子不覆奏又安得以百人下第昂七金馬門也則其遣歸而終老羊豕不已幾希間危哉夫幾希間而卒以遇然後知物有湛之而必耀賤之而必珍故絳人歷甲子以須趙孟侯生辱關門以俟信陵夫有所質於中雖偃蹇流離而終無懾意也今歲當貢士於廷浦江以會江方先生應當先生之以春秋稱吾崑東大師也峴東諸孝廉以少年驟貴結社意不可當世士及先生授箋社中出一語則人人自失而是時先生秋闈得雋矣偶以

奇字置一榜無不謂漸陸之鴻旦夕羽儀海內耳豈意冉也踰  
三十年猶然疾藜乎是時也門下士如不肖某數奇坎壈一跳  
而爲酒人再跳而爲騷客轉徙靡常而先生雖謝去人師然丙  
夜篝燈熒匕手一編踰三十年如一日也其業益精其神益旺  
若痾瘦丈人之承蜩豈不亦異哉當公孫困於盛壯時會竇太  
后好黃老趙綰王臧以文學坐擯斥浮沉於俗令平津驟顯其  
能不爲裁縮乎及漢武表章六經平津以春秋進史故曰公孫  
宏行義雖修然亦遇時余以公孫之遇天以羊豕耄之也今先  
生年近七十布被飯脫粟有公孫風然生平篤內行表如其裏  
異於齊人多詐又其精詣於春秋豈與夫漢儒錯襍罕雅馴哉  
頃自持衡者不辨五經構撰而空疎見收經義蕪塞久矣先生

廷對政值當事釐核之會豈非白衣之一時哉夫榮悴之轉而  
相生其變固難量也彼一不當意而轉徙靡常譬匹夫匹婦感  
慨而自引決者非能憤也其計畫無復之耳何足道哉雖然異  
日者東閣廷士試問國士爲誰愚生尚翹首與角鹽鐵之議焉  
頓挫承接起伏照應細玩其波瀾意度所以然實得史漢家  
法懷白先生深於古文之學相去不百餘年而漸滅一畫此  
篇從義鳥志搜得之廣陵清散幸未遂絕讀者珍之

王崇炳識



錄懷白公詩稿

并引

祖諱一緒字維武自號懷白山人敏慧絕倫負氣豪宕游泮最  
早廩膳後累試不第嘆曰渭不契涇分也遂無意於舉業攻詩  
歌古文廣遊郡邑謁諸大夫刺書浙東布衣某諸大夫咸以上  
賓遇家居吟咏自若以壽終生平不事貨利有授以金皆拒不  
受傳公縱酒肆逸困極以終謬也

宗音拜述

五言古

古意

燦々桃李容灼々輝簾幙皎々粧臺女盼々美雙目忽々韶華  
移麤々吹杯鬢昔爲雙鴛鴦今爲孤棲鵠孤棲霜霰寒四顧靡

托宿

其二

西園繁桃杏紅綻綠初妍東陌黃楊柳舒翠復含烟商風肅白露顛顛倏輪旋春容難久恃叢麗不常鮮所以日月光照耀妙虧全孤松惡其燭晦居攢峯巔始受荆榛縛隨遭蘿蔓纏條幹辭纏縛磊砢參雲天雪霜爲染翠陵谷欲齊年廣陰綿一壑世途自變遷

其三

逝波斷復續落木枯復榮人生寄寥廓一散若飛塵高堂良宴會聊欵百年身濟濟皇城内王侯羅四鄰宮闕散霞綺夾巷紛朱輪杜陵帶韋曲冠佩時生春青樓啣落日妙舞達宵晨慷慨

舒長嘯曷以消憂心


其四

周道何逶迤回車值晚節歲逝物滋衰四顧心委折浩浩陰陽  
移誰能不變易良會遇難期朝聞誤疇昔秋菊並春葩英華幾  
靡歇胡堪眺北山纍纍霜草滅

其五

鶻鳩鳴樹間蟋蟀喧澤草耿七夜何長銀河流欲倒白露發寒  
花芳郊倏枯稿孤鴻塞外來衣砧戶戶擣跂彼五雲衢豈無疇  
昔好彈冠締新權微賦焉足道星嗜風雨多逸興趨海島不敦  
金石心結侶豈常保

其六





皎々綺羅牕翩々婀娜女織々擢素手軋々秉機杼竟日不成  
文停梭淚如雨含淚凭欄杆悵望天孫渚牛郎歲一交猶得訴  
離緒蕩子別紅顏々衰曠寒暑

其七

玉衡移晷度寒暑遞相乘草蜚夜以寂天空霜氣凝人壯旣已  
老物盛亦將零伏枕賦愁夢孤鴻號我側解之覽帛書故人渺  
天末離居而同心勉我崇令德歲暮音問疎此事良恍惚

其八

疎者日以密親者日以睽閭里非殊舊風物半歸衰紅顏多朽  
骨塚樹棋臺池霜風動地起颯々荒原悲繁華羨往日長電歸  
路岐

五言律

送傅晉所陝藩叅軍

夕鴈洪河浦晨雞函谷關  
隴梅颺皂蓋驛樹繞青山  
日自長安近春知灞上  
還君心如渭水頗耐幕雲閒


同盧延伯宿耆闍寺

古刹清秋夜同來一榻支  
金田尋斂蔓昏殿徹琉璃  
松月臨僧定山泉解虎頤  
無端興廢事共爾足深卮

宿法界寺陳鑑如館

故人隔雲樹負郭駐烟蘿  
語欵花沉蔭亭虛月近波  
瑤尊移鼓角金地燦庭柯  
憶別容顏改幾回共笑歌

阻雨雲黃山寄許吉卿



雨吞雙杪杳波憾兩溪平山霧離生席村流斷暮程燈殘孤店  
臥酒憶滿池傾寄與澄湖水應憐去住情

鑿湖喜友人至泛舟

得分字

信宿猶盱望移舟遂對君梅雨湖波濶柳堤山勢群星漢通槎  
轉亭臺坐渚分河源狂欲擬扶醉不知醺

輓紫池許公暨李太夫人

霄昂酬夙望輿盼慰新驩思舊依豐沛遽歌蒿里寒巖廊傷大  
老鄉國喪羣觀千樹延陵劍瀟灑雨雪殘

其二

西江許遜去仍是別塵寰蛟觀波廻鐵烏臺綵輟斑鸞車騰霧  
渺鳳賫合雲間拔宅經遊舊乾坤遽大還

其三

金紫纔加寵，瓊緋擬益封。可堪朝露散，瞥向夜臺重。悲誅降中使，招魂問故踪。尤憐岷岵，淚黯澹入華峯。

其四

遂別新豐市，悠々薤露晞。傅巖化箕尾，婺女逐星飛。詒穀傳椿砌，書灰憶蕙幃。蒿歌冠佩送，白鹿雪霏々。

其五

薇山扃日月，風雨夜沉々。柏府懸車淚，楓宸覽疏心。過庭難問禮，依幙自徽音。不謂三朝老，儀型斷故林。

元日

籥灰虛動臘，春色又新年。雨雪殘除夜，輝光逼曉天。泛椒冰始

石其日... 卷之十一  
斷裁勝口同懸欲和郢中曲將無筆似椽

過金德廢寺

古寺僧何處諸天盡黍離布金人久設砌石歲經犁法鼓成蛙  
吹禪衣變樹枝暝烟歸獨鶴疑是錫飛時


谷口流觴

娛客青暉轉過林樂意幽攀崖逢水曲移酌就觴流烏嘯和泉  
響雲陰倚樹浮會心成勝賞不羨永和遊

塞下曲

草別故園綠露經窮戍寒天山從此雪萬里政漫七帶甲霄難  
夢聞笳曉未餐裁衣休准舊俠骨半消殘

七言律



王中丞起南刑部却寄

建業春風曉落梅恩新入座舊烏臺渡江夙擅琅琊譽開府仍  
傳庾亮才六代繁華歸藻翰三吳佳麗對瑤杯獨憐二十橋頭  
月籠罩棠陰隔上台

蕪觀察君禹自秦中擢嶺右過訪話舊

片刺衡門喜欲狂爲君顛倒著衣裳清尊話舊臨孤驛彩筆題  
詩向大荒日月漸看行處盡山川偏限別來長無端畫角江城  
曙忍賦河橋第一章

同盧思容祝無殊弔王觀察令子孝廉子大留

宿長春園以遺稿見示

絮酒初陳眺故邱登床取瑟素車留風來忽動臯魚木賦就常

傳王粲樓搖燭雨寒青草夜推牕花帶白蘋流春深三徑懷疇  
昔二仲那能不續遊

步西華將軍韻奉贈思容文學

高臥雲門誰與同小窻碧草思無窮音從疎竹分流水篋隱青  
鋒欲吐虹華髮風塵憐賦鵬青天藜莢耐飛鴻醉餘蝴蝶頻生  
夢得失何妨問塞翁

壽盧東白七十

白髮青樽紫桂叢歲星婺宿兩融七漢廷曾折朱雲檻渭水新  
占尙父熊春野烟花燃節雨池臺絲管漏薰風古稀初應南山  
祝爲報蒲輪下崑東

王孟明三十時下帷西白寺

尊翁以觀察致政年過古稀

蘭若松陰枕簟涼。譚元揮塵擁青緗。孤尊春隔祗林舍。雙鬢秋  
生薜荔裳。歲月下帷原董子。風塵占貴已蕭郎。何嫌衣彩先朱  
紱。戲舞蓬弧綠野堂。

王沐陽少尹自桃源歸治亭臺落成

桃源棘署賦歸來。松塢槐亭徑早開。瓠子功成漢帝璧。菊籬酒  
滿聘君杯。千花旖旎扶臺迥。萬壑烟霞面郭開。金帛賜知佳晏  
慶。時桃源河故園勝會共徘徊。工成欽賞

稠山晨興

暑夢初殘。星宿稀。循欄緩屐散熹微。炊烟叢薄分松色。過雨簷  
墻澹曙暉。山縱青螺黃鳥悅。池明綠藻錦鱗飛。物華相對堪幽  
賞。襍爰壓斷石扉。



輓吳致之先生

攜手忘年論布衣，那堪回首故人非。  
譌驪洞口桃花落，歸眺天涯薤露晞。  
金谷宵樽孤暮雨，山陽隣笛入斜暉。  
千峯難認招魂處，黯澹松牕畫掩扉。

中秋夕集八詠門潘氏園亭送許卿之姑蘇迎中丞公

佳節相逢短髻前，可堪取醉是離筵。  
白雲朝擁吳門練，明月宵移澗水船。  
倚檻蛾眉嬌對景，長橋鳳管暗吹烟。  
躊躇未盡朋情興，謾使巖城鼓角傳。

金崇素別駕偶會繡湖卽席賦別

十載沉疴此對君，更堪客路黯斜曛。  
五湖棹外浮萍合，雙樹樽前落葉分。  
旅夢蛩哀霜降夕，汀霞露冷鴈離群。  
鴟夷去國饒生

事別駕休衝佩劍氛

時已解官爲五湖之遊

嫠遊便道過龔長卿揮使途中卽事

傷秋七色盡芙蓉扶醉登途客意慵  
竟日追隨雙樹塔長亭廻合五雲峯  
黃花撒徑山多牧赤葉攢烟舍幾重  
忽憶稽康千里駕臨岐取徑過深松


秋懷

其三

東陽麗藻擅名樓青史寥々誰上酬  
霜降松門羊石夜露連蓬島鶴巖  
秋繁華異代追遺草寂寞千山覓故  
邱牧笛寒雲指顧處牡丹花賦鹿皮裘

暮秋山居寄懷李大農前大農有見投之什

孤牕獨對暮雲垂况是千山憔悴時  
日落鴈行驚覓侶露寒楓



葉泣辭枝，忽懷枚叔。投奇樹長憶，周人掇卷施。晏歲景光須自  
愛繁華多少，到今萎。


方會江廣文致政桐廬有贈

倦游故里，遂初年三徑人還。菊尚妍，苜署覆盤賓雁，候華川歸  
夢子規前朔。初紫翠迴春色，霜後芳菲滿壽筵。七里危灘塵路  
斷，鳩筇羊石，政陶然。

冬暮過石芝山房步龔斯良韻

懶慢誰憐，客思佳平。臺逸響自高齋，岸林送臘花，迎客庭草，局  
寒鳥啄芟素幔，因風搖夜燭，黑雲將雨，濕空堦，蕭七短髻催年  
去，對酒誰同歲暮懷。

春病吟咏久廢，便道吳賜如園欣然誦予舊詩，社長閣子



晉以冊屬題故態陸作

經春衾枕誤交情忍負園禽求友聲雲嶺蒼松巢白鶴風簷翠  
栢綴紅英稱詩滿座愁頤解流水當絃逸思橫伏櫪不知年歲  
邁唾壺頻擊酒頻傾

聚族諸暨上林諸文學席上

落花垂穗動追求往事休勞問故邱鶴表徒憐城郭是苧蘿却  
定鴈鴻愁山歆返照分黃葉溪擁晴霞上畫樓千載黍離仍聚  
族阮家大小信風流

遊蜀墅塘飛來峯時金繼橋攜酒以從

雨餘蜀野稻肥花巨浸孤峯黯日華山隔五雲開大澤泉飛百  
道渺平沙葵汀霞閃村歸犢松岸烟橫客避鴉席散政如巫峽

夜獨憑猿嘯月明斜

暮春送李大農北上併訊王比部子大

江上桃花水亂流布帆無恙棹春洲看濤誰解詞人賦擊筑聊  
尋劍客遊獨戍鳩林呼夜泊重關山雨滯津樓到時爲我傳王  
粲麗句年來若個酬

歲乙卯邑大夫張公行春敝里適余外出備訊再三此謝  
寶瑟聲希鹿馭車晨星初落絢晴霞  
寒帷隴麥雙垂穗稅駕棠  
梨幾樹花斷續鳩呼春雨急參差村繞曉烟斜君來慰望原如  
歲黃鳥歌停賦采茶

送許吉鄉領選

極目關河萬里情政堪六翮試王程  
江湖曉渡臨隋殿驛樹秋

空豁薊城雙闕駕行新  
雨露三臺烏署舊  
聲名預傳上苑樽前  
菊花發應憐舊歲盟

遊薇巖雙龍鹿田諸勝去赤松子羊石尙隔重嶺

頃刻僊家惜客春  
同心載酒得陳遵  
薇巖花雨啼鶻夜  
松子丹烟背嶺晨  
望鹿峯傳耕媛塚  
捕魚洞隔避秦人  
徘徊講席清樽  
欵麗藻韶華歲一新

傅晉所藩幕奉檄西湖却寄

時合子入泮

故人四牡駐春殘  
湖上芳菲酒未闌  
羈旅薇花侵舍紫  
先秋桂樹報庭丹  
烟堤蘓小樽應欵  
雪夜王猷棹却寒  
獨寄芳心與明月  
清光萬里到長安

秋夕客繡湖辱李明府招飲

訟署蕭疎暮鳥鳴開樽卜夜有餘情  
薜蘿忽被庭梧影蟋蟀俄  
調絲竹聲湖轉銀河秋漱灑客悲玉露醉  
淒清途窮阮籍狂無  
賴宓子堂前酒一傾

輓趙如城觀察二首

錄一

萬里驄輪雄建牙誰知歲月是龍蛇  
松門憶賦驪駒渺蒿里愁  
歌鳥道賒秋入西南空幕府水寒巫峽下  
輜車故人多少延陵  
劍爲探明珠出海涯

輓盧南禹比部四首

錄一

金華弱冠憶公車四紀蹉跎竟負初  
終子函關英妙度馮唐漢  
署鬢毛疎名傳寒食勲鸞詔怨入西風  
淚鶴餘佩艾投蘭遭世  
溷赤畏空誓報丹書

劇飲盧新吾愛日園

幾度參商促鬢華  
暮雲亭沼共天涯  
但憐蔣詡能開徑  
休問東陵解種瓜  
隔岸落暉縈細柳  
侵烟寒翠剩殘花  
流連忘却霜宵永  
秉燭酣觴月漸斜

送趙魯東通府之歸德二首

錄一

冠帶中州舊亳都  
司農千里共麟符  
飛鳧自傍雙龍起  
展驥原看一鳳雛  
拂旆烟堤垂細柳  
褰帷驛路滿平蕪  
屬城蟋蟀遺風在  
寧爲烽烟困轉輸

盧楚白以山陽召入儀部從容歸省二首

錄一

峴山明月耀三台  
入署僊郎晝錦迴  
西楚鳧飛動閭闔  
南宮鳳詔下蓬萊  
瞻雲忽繫春園思  
祝壽曾攜莖露杯  
紅日政從東海





上過庭駐目一徘徊

麗澤吟壇

負郭溪流水漸雙登臺暮柝捲飛幢經傳異代人懷里賦動新  
秋客倚牕風咽蟬聲纏畫棟樹籠蟾影拂銀缸呼盧對奕論前  
藻何處宵鐘帶霧撞

鑑湖對月

疎林積雨客心孤夕麗初回滿鑿湖向月千山凝遠黛牛春大  
壑靄平燕青樓曲引鶯聲囀花院人經鶴暖無寂寞繁華憑指  
顧政須良夜盡醜醜

送李太府生白之襄陽四首

錄一

使君分竹古高陽朱紱新裁準尚方江拆鮫冰堪問俗掌凝仙

露且稱觴。崑山菊映彤幃發。襄水梅迎畫轂芳。聞道習池傳勝概。政容李白此徜徉。


送章吉甫歸雲間

攜手三邱羨。振衣歌驪駐。馬思依七關。臨暮雨。千山別酒散。春風一棹違。華洞行經朱草浦。松門定帶赤霞飛。譚元原是雲間客。紫氣應留護紫微。

宴歲宿陳用庵別墅

沉昏朔氣黯。前津樽酒天涯且。自親豈謂窮途悲。阮籍居然投轄得。陳遵霜寒一壑星。多聚腊。近千山。歲欲春。聞道蛾眉裁白。雪百年同調。忽懷人。

金稠原先生幅園小閣偶題



高閣疎櫺敞綠岑初陽司敘入園林江村隔霧生秧雨梧竹圍  
軒罨畫陰戴勝晨趨桑下約子規夜叫麥秋深獨憐騷客渾無  
賴攤卷局扉祇自吟

過鍾山

江堤削石簇芙蓉波浪流來何處鐘面壁僧龕巢鳥鵲傳聲鐵  
磬和蛟龍湖經彭蠡他年淚勝接廬山倦客踪况是關津滋虎  
豹扁舟留滯未從容

贈吳叔簡

五色雲猶肩左停人材端擬豁沉冥雷聲出地驚羣蟄劍氣冲  
天耀列星玉骨稜匕風軌別錦心炯匕姓名馨于今倒屣應推  
許幾見王孫並秀靈

和義烏陳具茨廣文登入詠樓之什

畫拱璿題納照斜，憑欄捲幔對蒼葭。  
玉壺分翠雲歸壑，丹彩搖波雁落霞。  
颯七寒桐零亂石，離七衰草渺平沙。  
一千氣象吟元暢，雅韻千秋客思遐。

金華山

一自叱羊歸紫虛，何人重臥白雲居。  
舊時林麓猶成歲，幾處樓臺是故墟。  
松澗暮題遼海鶴，桃溪春怨武陵漁。  
瀟七落葉空山北，遙夜丹光自卷舒。

夜宴陳叅軍四眺樓

危臺虛廠俯蒼茫，掃霧憑欄坐夜央。  
滿郭荆榛連野色，萬家純素擣寒光。  
珠簾挂月樽同白，瑤砌飛英菊競黃。  
佳物忘憂能逐



容孟公投轄選青陽

送龔長卿揮使之姑蘓

十載終纓試鹿群更堪江上鼓鼙聞  
長風蚤許乘宗慤高麗虛傳有蓋文  
蓬矢戲驚霜雁陣菊醪投醉水犀軍  
鵬冠漫自輕投筆左僻征南雅樹勳

呈謝李明府

五雲深處近躋攀姑射冰姿仙令顏  
鹿馭晨郊春萬戶錦裁霜壑翠千山  
慚非白璧知難報纔托朱絃鬢已斑  
帶索行吟欣自得坐聽河潤水潺湲

登東峴

躋攀勝剎叩知音曲磴春殘徑草深  
東白雲巒紆萬轉崑溪廻

合蕩千林孤牕夜雨鵑多血倚郭樓臺鶴數吟對酒政消今昔  
况莫題墮淚負登臨

送許經之別駕之保寧

佩刀贈爾出江東別駕川西控漢中夜雨歌驪登棧道薰風展  
驥入蠶叢蟬鳴劍閣帷齊綠嵐翠巴山雪始融地險休誇張載  
石艱難國計托司農

同邑尊遊浦陽絕頂

纔溢春膏麥漸秋仙華仙鳥自丹邱鹿輪忽傍滕公馭象浦曾  
來康樂遊捫葛連峯千里勢蒸雲壘阜幾區疇四郊豐蔀從今  
闢不數牛山歎爽鳩

迎春軒贈盧將軍西華

故人解甲灞亭間，幾度浮雲任往還。  
不是幽軒調白雪，能令空翠合青山。  
龍顏虛憶金吾夢，鶴髮偏宜丹洞閒。  
豈謂非熊須釣叟，年七春色護江關。

蘭陰訪郭我長就宿其齋

譚深簷溜靜明堂，不下簾帷納夜涼。  
病擬榮翁甘絕飲，音憐鍾子喜聯床。  
早霖洗野城炎歛，秋月分輝客夢光。  
別後相思都已罄，渾忘顏貌認調梁。

暮春同龔季良登臺曉眺

乍探鶯苑惜春歸，攜手危巒共夕暉。  
聳嶠霧橫峯勢斷，遙溪霞墮浦烟微。  
村園雜樹含低翠，鳥帶餘曛半拂衣。  
倚眺不須愁薄暮，西山白月漸依巒。

秋仲同陶石梁陳具茨李瓊崖陳大孚龔季良集抱甕園

分賦得寒字

閒園蘿逕晝陰殘且有朋簪共倚闌風急哀蟬堤樹暮雨沉練  
杵井梧寒遙分澗瀑翻歆雪靜卷林香入佩蘭勝事名流催授  
簡千秋猶似習池看

浦陽柳溪十景詩載傅氏宗譜香浦採錄

浦泖漁舟

溪流直到若耶津雲接苧蘿山暮春玉女寄言漁子去洗頭池  
待浣紗人

杜溪春興

凍瀑初消水匯流杜溪曲處岸林稠白蘋流盡桃花出長惹漁



郎渡口舟

巢巖石壁

巉巖石壁控江堤  
曾話當年駐鼓鼙  
烏鳥只今頻聚散  
可憐荆

棘尚凄

白馬清流

柳溪南折下通衢  
鞭石成梁騁駕輿  
莫是馱經西竺後  
長留馬


影伴遊魚

球山新月

衆山環聳一峯孤  
俯矚烟林亂綠蕪  
纖月如弦東海上  
微暉初

映獨當吾

野芳晴翠



野霽群芳帶潤生郊遊席草傍花明山靈未識幽亭沒疊翠依  
依戀舊盟

松墩牧唱

大麥初黃雨正晴牛肥秧長聽晨耕好教布穀催他壑牧夢醒  
來笛數聲

石澗樵歌

北山樵罷澗增波山鳥爭花笑語多憩石呼朋來廳取適來會  
意且高歌

天宮塔影

山岷指點舊天宮化國原來是幻空不見至今方廣寺更多塔  
影出雲中

寶應鐘聲

迤邐山深過客稀  
寺殘猶識錫初飛  
鐘聲夜半能驚夢  
多少嗤愚覺夢非


白馬橋公館

春風白馬畫橋西  
小閣攤書對杜溪  
扈蹕微茫荒草昧  
含樽留滯綠帷齊  
孤牕夜送梨花雨  
作客愁聽杜宇啼  
佩艾浴蘭良不遠  
蚤傷繫別柳凄


七言古

許九環詞丈以二月之廿五日壯年初度賦得花朝月贈之

萬谷艷陽桃李時  
百年驪賞芳菲節  
昨夜白蘋潤邱林  
今朝朱



萼被巖穴山容天籟鬪葳蕤戲浪搏穴爭詭譎陌上綠雲緩步  
 歸江干紅芍同心結同心緩步遍韶華電閃駒馳忍隔絕綺閣  
 三千玉笛調欄杆十二瓊筵迭看花朝醉金張館秉獨夜遊許  
 史閱飛英舞袖席翩翩啼鳥鳴箏聲散越人過春社刻千金候  
 政花朝天二月誰招幽客共茲辰誰挂蓬弧際明發華山羣玉  
 峴山西霜臺列柏烏夜棲群玉山上群真會羣玉山下羣賢題  
 公子稱詩追許鄴詞人和賦續南皮山花樹樹紫薇色波流豔  
 匕畫溪湄欄前石勢三山擁竹裏雲光百道披鑑湖春水滋春  
 草綺閣簾垂夾柳垂漁郎出沒烟波棹燕子呢喃玳瑁楣蔚籃  
 開暝晦葱翠染縑緗俛仰情俱暢主賓意未量此時月出人皆  
 醉此夜詩成客盡狂醉賦狂歌耽虎眎風流今古擅幾場君今



三十是蕭郎酒壚異時寧詎忘

贈吳賜如文學新婿

七言律

黃花灼灼明歌席丹葉離離爽畫梁  
司馬樓臺開錦繡棲烏墀  
陌沸笙簧欄杆十二迷香闥  
丹鏤三千鎖洞房的歷明星菱鏡  
啟繽紛蒸霧獸醴香金釵戶  
綠雲鬢珠履行白玉堂齊候  
天孫駕烏鵲共聽羸女奏鸞凰  
江湖鵬鶚秋先動鐘鼓睢鳩夜  
未央執盃陳牢秦晉契芹宮槐市魯鄒鄉  
于時榮者同心結何處子兮比翼翔  
謝女芳徽吟白雪沈侯家世擅青珠  
緗襦衣解小文室銀燭花交太乙光  
飛鳳諧音占遠祚彩鸞染翰綴新粧  
誰知奠鴈風颺速轉助吞牛志意長  
割炙原須近金馬求魚且是得河魴  
花毫描入湖山麗桃頰嬌分庭桂芳  
移步佇瞻星爛

慢有懷投贈佩琳瑯曉登粧閣鵬雲擁夜耀錦衾螢火囊婉孌  
不因吟季女風流能得並才郎

五言絕

對月有懷

高樓三五夕年少夜聯席席散一離人孤樽猶對吸

石鏡山房畫壁

名山屐難遍臥遊不當山何如五岳勢長在咫尺閒

七言絕

群玉山

亭當羣玉一峯孤湖外烟林列畫圖雨嶂參差凝遠黛春花錯  
落綴平蕪

綠雪窩

咫尺蕭湘護客居  
清陰三伏透窻虛  
披箋綠雪新裁賦  
看竹何人浪載車

真隱堂


許恂原與俗塵違  
况賜青山覺昨非  
九畹蕙蘭香滿佩  
三秋蘿薜色堪衣

竹松居

攀林據石興翩七  
曲徑通幽蔭鬱然  
避暑壺觴容醉客  
啖脂歲月就丹仙

湖心亭

秋淨湖明天倒開  
波心蕩漾駕虛臺  
舟過別港鴉頻起  
月掛斜



陽客未廻

水月庵

漏下雲居度磬聲坐蒲翻貝夕光生  
窻臨湖水澄秋月了却空中色相明

真率齋銘

吾齋之中不尙虛禮不迎客來不送客去  
真率爲約簡素爲具賓主無間坐列無序  
有酒且酌無酒且止清茶一啜好香一炷  
間談古今靜飢山水行立坐臥忘形適意  
不言是非不論官事冷談家風林泉與致  
道誼之交如斯而已羅列腥膻周旋布置  
俛仰奔趨揖讓拜跪內非真情外徒矯僞  
一臨利害反目相視此世俗交吾所屏棄





題五老圖

天運五行化厥爲人姚虞啟祚分爲帝臣其精不泯托世長生  
漢皇賜几辟雍司更五芝蟠桃佐酒盈觥遇之五福福之先壽  
東南葫蘆何貯不有爾逢懸弧五彩雲華善必先知降於而家  
聞昔尼山挺聖而五老降臨豈汝也耶

杜文波席上對月歌

畢竟月明照我席與君扶醉還相吸先時月出暮雲浮雲散天  
空客不留豈知賦客能邀月獨對清光興未休君不見峩嵎山  
月春幾許花落鶯啼明日雨良宵容易付常人莫放金樽待天  
曙

一緒公自幼與許小薇爲忘年友金松澗卽其尊岳也父南

白公登嘉靖丙午科目公詩名聞於世與章無逸諸公爲詩社故公所作詩歌甚繁不可採錄今特從所刻集中選其尤者以便覽焉

白浦回便道甘溪宿沐陽王君別舍

採錄附後

白浦旋車政麥秋甘泉松嶺又愀七絮雞昨淚寒宵漬杜宇今啼宿莽抽溪鷺帶雲來近樹野鳩呼雨集層樓亭昏未夕陰先合似爲無人勸客留

白下北關遇異人卽席贈

西風搖落大江頭解纜關門紫色浮錫並道人飛白鶴書傳令尹駐青牛危樓鼓角悲時晏獨戍蛩蜚惹客愁佳麗六朝虛往事長房屢肆一壺悠

贈遺引

夫國有史郡邑有誌鄉有月旦之評所以勸賢而戒不肖也吾斯自漢因孝賜姓以後文物繁興簪纓奕世故其翰墨交馳詠歌相答或登高作賦或臨別贈言類固不一茲皆彙集校正庶顯先人之美德用留後世之參考云


歌

孝子公歌

玉峯龜山翁周原祥

吳廷尉斯偉字子儒二子從敦乃東陽六孝子之一也其操心制行出處巔末家譜縣誌載之詳矣奚庸復贅姑述數語以勉諸後人云

東陽古吳寧獨羨佳山水淑氣鍾賢菴一難具數勢熠超等



夸聲名播寰宇變態空浮雲於今何所許至性出天然誰如斯  
孝子痛父掛刑名求生固無理恨上登前途潛上淚如雨詣  
闕苦求哀不辭身代死爰念童稚兒激切有如此見聞誰不憐主  
君心亦喜父罪不加誅舊官還再署二子

錫郎銜

寵恩無與比旌表樹貞名春秋享民祀星光昭日月德譽傳今古  
嗟嗟孝子孫繩繩孝子緒恆懷孝子思敦行孝子禮倘違孝子  
心適貽孝子恥勉旃復勉旃予言非逆耳

斯孝子詩

香沙趙衍

難一死爭相先教亦難為弟聲名藉甚傳

并序

松石老人建明李方晟

石河吳廷尉斯公墓於此當時孝子公廬墓三載  
故人號爲孝義塘云矧孝子公名冠邑誌血食十  
秋所以士人聞風景仰過墓而益起孝敬之心予素有見善  
若渴之意更負登高作賦之懷一日過其地而不得不對境  
揮毫

詩云

問地何名斯孝鄉童年死孝立綱常一抔菴土聲名震千載高  
風草木香化勵許墳峯白鹿儀型顏墓邑烏傷至今石碣留題  
處百世孫枝思勿忘

讀斯孝子傳有感

環溪王瀛史

人子微軀父所生捐身一報發哀情當時庸行行將去千古高

風莫與爭


又

夸齊爭讓事應稀  
童子何知犯虎威  
救得老親甘一死  
那思寵錫孝名歸

贈大學士伯鈴斯公未老告歸詩年弟戶部尚書朱質  
拜沐 天恩返故鄉  
烏紗白髮傲秋霜  
朝班舊職原無忝  
鸞誥新頒益有光  
千里雲山迎去馬  
兩京冠蓋擁周行  
二疏漫說當年事  
何及于今治道昌

門生刑部尙書孫立孝

何吾師先我見  
分明投簪早已歸  
田里束擔担  
入藻輝華雙鬢老  
聖恩造就一門清  
從今



風啟後生

身公器樂志堂詩并序

眷弟蕭引之

嘗讀宋太史潛溪集有婺州十孝子贊而東陽有大斯孝子乃  
列其先予私心竊歆慕之因訪及廊下有公器諱玉者 吳孝  
子公四十二世之孫也讀書砥志夙負令名且承歡聚順惟以  
樂親心志爲喜乃自號其堂曰樂志 兩院褒美聞於  
朝廷予慶君

鳳龍在卽正移孝作忠之皆也故長言不足而詠歌之曰子能養  
志世稀聞羨子於今迥出羣庭外湧泉天地感家中怡悅動  
明君恪承祖訓思繩武擬擴天懷以立勲好德秉彝原不異口  
碑尺牘自紛乚

又

社弟任唐

堂上萱親春正妍  
堂前戲舞綵衣鮮  
養親樂志從來少  
不道重  
邁曾子賢

賀佳巷貴昭斯先生五秩壽詩

少薇昨夜映三台  
最喜先生壽域開  
伯玉是非從此覺  
買臣富貴自今來  
庭前玉樹森森立  
天上蟠桃疊七堆  
仙客高朋欣滿座  
流霞共醉百年杯


贈斯善齋五秩詩

鹿峯蔡廷棟

強仕之昔產石麟  
而今知命子能文  
微軀不效華封祝  
願覓槐根贈與君

表壽詩

眷弟李世通





白初况復薰風歌有虞耳順今朝欣益壯籌添

証仙桃獻自西王母壽軸遺來大丈夫愧我本係同志

者攜壺燕賀特馳驅

贈斯務滋詩有引

桂坡庠生李正煥

兄善齋先生之子也敏而好學善與人交當甘羅入相之年  
與余共學於宋惟佐先生之門其作文未嘗立稿吳寧皆稱  
爲服笥兩試郡邑俱列冠場及弱冠而閉戶止工詞賦學參  
禪綽有隱君子之風流予景仰驚異自恨不如故陳俚句爲  
表知心

材堪作楫與和羹怪底嬰年已厭名炊白牛生曾不娶閉門與  
物卻無爭宗之丰采羲之筆蘓晉長齋子晉笙若使登高頻作

賦誠然擲地有金聲

贈斯公器歌


建安李第

君不見曾參養曾皙馨名千載垂方冊  
又不見孝哉閔子騫父母昆弟無間言  
豈期公器斯公也婉容悅色效先賢  
壘篋並吹荆樹下斑斕累舞萱堂前  
冰桃仙李承甘旨一雙黃雀入朱簾  
承歡養志終無倦曾閔相逢在此岑

又樂志堂歌

眷姪任唐

君不見見巍山之下喬木裏青燈夜七  
書聲起斯家有士棟梁材訓誨由來皆  
母氏故將樂志題中堂志在吾親福壽  
康夏清冬溫不足計出入寤寢未嘗忘  
忠良必求孝義門且把牛刀爲小試  
龍眠居士繡丹青愧我匪材相贊美



訪峻庵公留別

陶山金賢仁

風清露白桂花天  
容我徜徉稽古廛  
劇喜中郎勤倒屣  
更逢籍已忘年度  
樓明月堪成賦  
鄴架牙籤信有緣  
歸去秋聲滿畫  
水依稀白石數峯前

訪方泉友人遇雨有感

平江樓上層

雨脚蕭疎近麥秋  
黑雲一縷翳高樓  
山腰繫馬松盤蓋  
村巷逢人笠打頭  
岐路三义泥滑  
野亭一角竹飈  
故交盛是南陽  
葛麵法於今見木牛

又

播穀聲喧草席茵  
三分國後見遺民  
嶺頭白石初銜月  
澗底青松不換春  
酌酒正當烟雨夕  
論交端藉老成人  
爲尋入姓東陽

舊何必桃源始似秦


圖南斯先生五十榮壽詩

引

平江樓上層

余年垂髫卽叨眷於圖南斯先生時先生方大振文譽卓  
拔爲一邑冠已而標望老成著聲名宿迴憶始交談心旅  
邸把筆文壇已薦歷二十寒暑矣辛夏五月余以郡試還  
繞道過訪先生乃偕余聽松於紫檀之山臨流於白漈之  
泉流連忘歸初不知日之夕暝烟生而宿鳥旋也先生以  
本月爲五十榮壽故人舊交多欲爲一觴敬者余不辭謏  
陋故亦以七言古一首爲祝

紫  
下古松樹蓋挺千尋偃風露中有圖南老詞客鬢髮斑  
爛坐箕踞先生格相古之民身歷而今五十春蒲劍在錄



草艾六還席繁花茵清談磊落稱俊質曾向文壇占第一  
靈句何紛綸座上傾杯共狠籍夜半風高白石嶺鶴唳烟霄月  
吐景茗芽戰罷雨前鎗羽扇揮來塵尾柄階前山泉碧似玉盞  
我塵胸更不俗詎數高門午日兒不藉居村第五日別有樓船  
古會稽五十富貴今應齊丈夫骭髀自終古看取一嘯凌雲霓

又

丹崖吳國墀

儒林奮跡向鞭先豪氣添來半百年自信蘧非知己早還崇孟  
養德堪全眉間得意鴻齊案膝下舒懷鶚在天况有群雛嫻學  
習家傳碩望應綿七

又

荇洲何 豫

雲霞粲七碧峯齊矗立岡陵壽域躋蘧瑗知非賡玉瓚孟郊服

政踰花蹠輝添白李三千歲氣滿紅榴六一泥召作參軍應預  
卜養成俊佼杖扶藜

又

松崗盧永燭

虛度韶光六十年知君雙鬢亦斑然功名雞肋埋高士姓氏龍  
頭著大賢竹樹陰濃鼾睡後榴花吐艷舞觴前從今學易知天  
命不羨人間有僥倖

又

蓼埜吳國鴻

昔日乘風破巨瀾至今反璞隱巖巒雨肥藥圃荷雙鋪月滿釣  
磯持一竿健步何須鳩刻杖著書常愛鷓爲冠問年已屆知非  
候從此壺天歲月長

又

迅泉吳國浩

瑞氣逕騰石嶺邊薰風輕拂畫堂前榴花色映玻璃盞桃  
凝日筵高適詩篇連月露右軍書法掃雲烟延年不事丹石  
術寄跡林泉卽是仙

又

槐庭王用琮

夜來南極一星輝椿樹叅天五十圍業並孔融須服政年符籙  
玉幸無非當筵嘹唳調僊樂繞膝斑斕舞綵衣山列青苔環戶  
秀稱觴坐愛翠成幃

遊鰲頭潭

浚寧獻 昌

山繞溪流水繞村依稀風景是桃源楊垂籬外聞鷄犬竹映堤  
邊浴鷺鴛捷徑由來頓忘也幽塵到此亦消焉無殊身入神仙  
地好比漁郎做一番

冬至書館寄懷

登樓望日七初長拋却光陰到一揚行見村居傳祭鬼坐談友  
伴客他鄉梅含雪意開微白菊帶霜清吐嫩黃悵望家人山外  
月清光萬里到高堂

頌揚孝子敦公詩

佳巷裔孫文惠

我祖孩提天性真爲親泣血叩 楓宸頓回

國主雷霆怒承饗 王家雨露新姓字昭七還烈七子孫緝七復繩  
繩愧吾繼述嘗懷志謾綴微詞敬具陳

同

白石派孫尙志

年此廿羅長一春惟知有父不知身 封章一紙

顏一沅血食千秋 帝寵新能使令名垂竹帛何須高門



麟勉同姓知繩武不特承歡謂孝親

同

石白派孫繼旭

捐軀代父古來稀竊喜吾身一脈遺當日心由天性發今朝孝  
作士民師千秋綸綍冠山岳萬載蒸嘗重鼎彝誰是紹休光祖  
德一家門第慶重熙

孝義塘

文憲

斯塘何幸獲斯名却是吳朝始祖塋松下曾無鹿觸犯隄邊時  
見鶴飛鳴碑同郭氏碑無愧孝比緹縈孝覺輕能令往來人下  
馬銘心頓首贊先生

同

東華繼旭

地因人顯益尊崇孝義塘垂千載名不特董墳多拜嵇先公廬

墓作儀型


贈宗誠姪三十六歲華誕詩

末叔文息

花開丹桂幾多枝最喜懸弧是阿宜孔子立年多六歲古人強  
仕在前期仁而有壽何須祝愛矣難忘特賦詩但冀研磨無少  
怠功名學問總無涯

贈躋姪孫歌

無憂三世最爲奇相傳之予浩無涯溫良孝友由天性左右公  
私事事宜承歡奉養何足道揚名繩武是男兒調和衆口修家  
乘佩服先賢敬耆期積善自然有餘慶彼昊分明有報施成童  
之席序弱冠之年夢熊羆奇哉鳳雛相接踵數倍徐卿崇  
六已次子讀字聲琅玕阿標舉筆龍蛇起三子入齡氣如



子穎與誰堪比吾知終作棟梁材與吾宗者必諸子羨  
而立聲名燕翼已如此若至伯玉知非日緝七孫枝應倍  
勉旃窻下須磨礪今值

朝廷大比時青錢定中 明公選丹桂須攀第一枝彼時高大其

門間彼時讚誦有詩詞乃為中興之朕兆無忝 孝子之苗裔

皆

康熙丙午桂月之吉

劣叔祖文惠書

九曲嶺

黃山詩集錄  
載心言律

鈞徒  
光宗

嶺道崎嶇類蜀山幾經往復白雲關峯迴路轉三七曲泉落崢  
潺一七彎短袷采成嵐影翠芒鞋踏破石頭斑東西應接無停

趣品竹看花不待間

石城

光宗

巉巖不用五丁開  
削壁蚪龍處  
迴曉霧飛騰千嶂合  
晚烟繚繞數峯堆  
乍來攀磴驚元鶴  
隨意扶藤破蘚苔  
莫訝此中環雉堞  
隱居盤谷自天裁

釣磯


光宗

多情片石出江干  
日已登臨興未闌  
倚樹畔崖堪踞坐  
攜竿下餌且偷安  
羨魚思網無心結  
佐酒投綸任達觀  
閒看清流梳石髮  
羊裘六月釣巖灘

小白尖

光宗

俱綿連半越  
七山擅勝鮮能儔  
時聞巫峽哀猿嘯



何愁高頂不妨探月窟平岡似過摘星樓林西昨向

故  
重衫不敢留

瀑布

光宗

泄烟千

湫洒玉飛珠散不收山上有雲都是雨枝頭無

葉不驚秋雷轟冰海聲難斷電掣銀河影未休月映潭心看不  
定乘槎何事學仙遊

纔了蠶桑又插田

峻庵  
光前

聽得鳩鳴桑樹邊農家婦子各紛然望晴剝繭初開簇帶雨分  
苗旋插田一歲勤劬終復始千村胼胝斷仍連如梭日月留難  
住吩咐家童莫早眠

賀環溪王六翁諱英八秩華誕

裕齋  
光垂

望重明經仰士行，弧懸艾酒不停斟。  
植槐已釀充閭慶，挽鹿時聞鼓瑟音。  
渭水垂綸應有夢，漢陰抱甕定無心。  
東都九老圖猶在，君是香山號醉吟。

季秋偕景安姪過金店訪懷有兄留茶賦

藍圃

獻廷

同堂分袂已經年，淡匕交情夢裏傳。  
覲面方知人是舊，快談忽覺日沉淵。  
有詩盡對黃花咏，無語敢隨白雪聯。  
自喜金蘭投契久，不茶重訂訪連船。

秋景墻頭數點山

獻廷

秋光一片甚開顏，妙景原來依晚山。  
門外數峯眉嫵匕，雲中幾樹影閒。  
匕毫芒散處情爲動，眼界空時意欲攀。  
最喜秋容慘淡好，登樓遙矚幾廻環。

同憲友盛因賦一律

獻廷

芳一以椽祇自由何知勝友盡相投  
陽春答賦愧無句永晝  
文幸有儔千古竒思原共賞  
百家幻說應同搜况蒙時雨分承  
潤行見緜裾更上樓

久雨懷友

獻廷

連天大雨萃羣鷗動念故人輒倦修  
南朔地分音渺也春秋序  
易夢悠也庭多茂草依然綠簷滴  
愁聲不見休可恨有情偏隔  
面何時樽酒結綢繆

春風語流鶯

獻廷

藹也和風吹忽傳出谷鶯問關難辨處  
斷續若頻驚偶坐談花  
艷雙飛道景明  
牙楊都宛轉過杏盡和平  
高韻隨風發好音帶

曉鳴我來曠野哀側耳自心清

寒蟬鳴高柳

獻廷

翠柳遙聞響嘶聒識噪蟬枝頭咽玉露腋下鼓朱絃匿跡囂塵  
隔隨風爽籟傳淒清周迥野嘹唳徹原田似遞情中縷如翻舌  
底蓮高居留遠韻自過暮雲天

雲飛姪手捧白菊有贈

獻廷

白菊叢開沒點瑕金風吹送入君家分栽蘭砌須培養多囑紅  
塵莫亂加

題紅菊

獻廷

豈、似源萬樹紅陶公遺種自叢聒分明匿跡名園久艷色何  
來霜露中





秋菊有佳色

獻廷

嶠曰 正家菊秋來倍爽懷黃疑金剪砌白勝玉堆階露滴天  
秀霜颺分外佳流光深帶淺托跡見仍埋撲面來閨媛當庭近  
館娃誰云人意淡相賞兩心諧

映雪讀書

獻廷

孫康家甚貧砥志爲俊傑冬夜少銀缸披卷時映雪借彼白玉  
光照我長短節搜剔辨毫厘疑義從茲晰每覽一二章古事今  
爲烈假如子猷在定然求磋切何以世不才致功恆多缺快哉  
雪有情清輝永不滅令我舉頭望韋編傲三絕

二月十九遊茅蓬

五言古

獻廷

偶欲參如來結淨之山麓隔日預修齋力辭酒千斛振衣備行

李命婦晨爨速婦曰天氣寒推窗已霏霰飯畢且行行一路桃花馥桃依水更佳渡江尙回日獨嗟溪邊女四顧顏何願春風又颺蕩吹動羅一幅度非爲草青應亦中有祝否則天尚陰曷慕乎大竺濟七登堂拜儂心覺益肅禮畢舉頭望雲烟收遠谷但有雙飛鶯問關如招宿呼朋賦歸來履道仍就熟處處誌新景燈下申片牘

十月先開嶺上梅

回文

獻廷

寒月山泓艷玉如梅上堆巒峯占氣淑信有小陽回

賦得金芝承露

五言律  
振取第一


揚府憲

圖南

世鵬

芝草前茂灑七甘露凝瓊葩珠錯落寶葉玉盈升點綴偏由  
炎縈紆景倍增香含仁澤厚瑞應

93





天池如許到從此出江津

懷抱觀古今

世鵬

博學窮今古襟期自浩然心常誼大道手不釋遺篇  
淡泊徵名理操存戒俗緣精思高比嶽篤志靜如淵  
消日一編裏懷人千載前灌輸勤藝圃耕耨樂書田  
探討親而切研磨深更專發揮經史蘊抱負得真傳

簷燕語還飛

七言律


世鵬

誰家燕子到柴關下上差池去復還玉檻潛臨聲縷  
七朱簾斜度舞斑七穿花對語和尤巧向日雙飛  
氣急又閒上翼歸來安息

解得主人顏

初夏郊遊即景

世鵬



94

不陰陰夏正長青郊綠野氣芬芳耕夫隴上收黃麥  
中 桑山鳥停歌棲澗谷水蛙奏鼓入池塘昇平處處人  
樂好聽薰風一曲揚

水滿清江花滿山

世鵬

江上青山山上花花紅水綠舞春霞溪流灑七生微浪林樹蒼  
蒼映秀葩

春秋多佳日

世鵬

春色還同秋色佳枝頭濃淡問庭槐綠波蕩漾供人想丹桂翻  
飛係客懷青白原來天自司月花怎待我安排良辰漫道溫和  
肅把筆親書紀物華

梅放中秋後

世鵬

時值中秋桂正開  
綠何秋後放紅梅  
疎枝吐蕊舒絳萼  
老榦敷榮點翠苔  
香早黃花浮古色  
神凝白露釀高才  
不須踏雪尋春去  
早折一枝名怪哉

觀菊

世鵬

紅葉連天舞黃花  
匝地開如何秋已暮  
猶似有春回

日華照冰彩

欽齋  
光賢

天牛懸高日冰池  
度彩遐參差曝獻媚  
掩映玉含華冷氣融  
輪轉寶光卽鑑遮  
抱明中有物流潤外  
無瑕浴鷺迎風住  
窺鴻帶影斜依然冬  
可愛遍地散銀花

雨

鳳梧  
世煌

雨柴門樂事幽  
間看花落水爭流  
數叢沙草羣牛集

鷺浮山色爾時偏綠  
靄園林此日倍陰稠  
眼前好景

事  
八豪吟待白頭

曉行

世煌

旅館驚淺夢遊人獨曉行  
望橋微月色策馬半雞聲  
暝影散前浦清暉發遠城  
此時在客路別有動芳情

密雨如散絲

世煌

密雨誠何似如絲散亂臨綿  
七穿屋網冉七綴秧鍼入水疑垂  
釣颺風欲裊林星機拋不斷  
鮫室患相侵燕剪還成緒  
鶯梭巧弄絳試看衆綠處  
從此倍成陰

春盡雨聲中

世煌

春雨洒前叢春雲蔽碧空  
不將時令惜偏見漏聲通  
鳥倦江田

路花殘野陌中孤燈寒照壁深竹懶迎風淑景氣難轉韶華節  
已窮何時開霽景猶見景光融

苦雨

世煌

花樹汚顏色行人失所主蕭條篔簹笠翁獨釣春潭雨

辭尙體要


章亭  
光烈

鴻文崇體要矜貴不須辭雋逸方稱韻清新獨擅竒千金難易  
字寸楮盡羅詞藝苑徐庾筆樓頭沈宋詩漫容誇服笥渾欲罄  
沉思玉尺標衡準高評月旦時

濟七延多士

光烈

聖賢集同賡喜起歌堯階差可擬舜陛更誠和濟七從  
七德行科功高人自羨才卓禮爲羅不減文明盛





白  
身日  
卷之十一  
三  
乍多登庸如有日萬戶仰恩波

北臺雪詩

乾隆庚子南巡欽詩題

方泉

國英

太空凝滯亂飛鴉可嘆行人鬪雪車南律未吹藏地脈北風有  
勢散天花朱園織素瓊千樹紫塞含輝玉萬家誰是才堪繼咏  
絮刻成詩句手雙叉

又

國英

曉時流霰已織七倏爾花飛冷更嚴白積疎林皆粹玉靄拋大  
地盡晶鹽乍憐習靜翻新宇更愛乘空舞短簷不是太陽從遠  
照几埋雲裏數峯尖

和鶴山禪老咏鎮龍庵松竹詩原韻

十首錄五

國英

松竹條垂獨具妍參差深鎖白雲天風搖結蓋無間古雨滴盤

根不記年山外有情來錦羽樽前無句憶青蓮此時誰領箇中  
趣未許尋常妄稱賢

又

國英

花色何如松竹妍長榦直聳逼遙天根深久伴荒間土樹老無  
分霜雪年淡月籠枝清法界微風澹葉映金蓮我今暫得盼遊  
地喜與高僧論孰賢

又

國英

數林花木仰何妍每向齋厨種碧天鳳尾色懸松亦古龍虬彩  
耀竹多年凌雲健節常如柏近水堅光豈比蓮今日相逢皆靜  
景龍心筆墨質高賢

又

國英

尺  
九蕩淡抑何妍松竹從來別有天歲去占春無改色始  
十  
年庵南已得閒  
景窗外何須灼  
蓮只是俗塵尚  
淡空來愛玩不爲賢

又

國英

半生境遇少逢妍每到禪林覽別天妙有鶴松常閱歲更多秀  
竹屢經年淵明不必偏憐菊茂叔何須獨愛蓮一片清光全繞  
目幾回參破幾回賢

蟬始鳴

五言律

國英

素抱喧爭意時來始獨鳴養心惟飲露蛻羽出几英古木閒相  
話新機杼更清三陽寧競響五月忽傳聲送遠還無力微吟覺  
有情於今傾耳後應不昧陰晴

秋菊有佳色

何物東籬茂秋來菊更佳  
金叢密葉護月朶勁枝排  
節晚留香遠花輕度影諧  
淡疑疎雨沐紅愛夕陽偕  
蝶翅深匕見蜂鬚淺匕埋  
何人親手植得勝在書齋

歲寒知松柏

慎齋  
世欽

誰留天地質凜冽乃相知  
古柏寒呈操老松冷見姿  
也同凡卉秀勿與衆芳萎  
骨傲非關傲賞遲豈恨遲  
丹心窮物變勁節格天時  
造化意何厚玉成彫後枝

高文一何綺

世欽

學海煥發見奇文  
繡口誇無偶錦心妙不群  
精光連極麗色組裳雲  
郁郁輝黃絹颺匕動綺紋  
句鮮同潤玉

羅裙把玩如披藻還須日夜薰

賞綠荷池

世欽

孰羨炎匕景清池產瑞荷捲簾香氣入閒坐爽風過蓋頂燕如  
箭花間鯉若梭清芬迷逸客鮮艷奪春波塵拂溪邊少人蔭柳  
下多我來君子畔遙矚豈忘歌

瑾瑜發奇光

世欽

無瑕觀璧玉皎潔不蒙塵昭質磨礪久奇光發越新堅剛品自  
貴溫潤色彌貞垂棘香名振崑山重價伸騰輝浮斡苑作珮接  
皇紳幸際文明世敢私席上珍

網公善織

獻芭

網公何善織秉性覺彌聰曩匕絲藏腹徐匕綴獨工宛成義掛

象方巧綺羅叢智顯簷頭上能陳荆棘中不愁功細密恰喜布  
玲瓏周匝看經緯端居品卓雄

試院煎茶

獻芭

在院論才日芳茶試取煎燃薪須活火汲水得清泉壺內車聲  
轉杯中蟹眼圓碧沉霞脚碎翠泛乳花鮮下筆千言後臨門一  
笑前新詩裁石鼎瑞液灌心田摘桂同生馥焚香共裊烟欲將  
龍鳳品遙貢

紫宸邊

望嶺上松雲

五古

世英

閣  
見松半山滃雲氣孤鶴忽一聲採藥人來未須與風  
雲散露危巖餘姿猶澹蕩遠與村烟交濤聲響空外回

山下有劖蒼者行歌出蒼靄

夏卽景

世英

雨後晴光印綠溪  
絲麻紡績小窻西  
風簾飛到啣坭燕  
片羽驚來振羽雞  
煙鎖堤邊榮樹靄  
波涵江上碧峯齊  
畫樓看盡清和景  
船上還聞夜鳥啼

九日登高

世珍

菊罇逢九日  
泛罷陟東臯  
翹首文峯近  
回眸飈館高  
碑橫尋古跡  
亭圯感前豪  
着屐更層上  
僊風此處遭

瓶中未開蓮

世珍

初出淤泥不染塵  
折來插入玉瓶新  
昔蒙雨露池塘厚  
今伴書齋學士親  
閉口未開西子笑  
含情詎效六郎嚔  
貞心獨抱尋周

子肯許探妍脂粉人

中秋玩月

世珍

冰輪遙掛碧天中輝映河山白晝同  
金粟含香颺鷺嶺玉蟾曳練落仙叢  
未須絃管吹更漏長伴雲衢映太空  
桂魄不堪盈手贈還將好處問崆峒

咏雪二首

錄一


世珍

千囑平林玉樹多天心飛素艷如何堦前疑是銀沙疊借問歌

么

光槐

元朝仍三府君意欲築室於茲乃挿此花以  
今五百有餘歲矣花葉猶前枝柯如昔





不朽云爾

仙

每到平林更九回盤踞經霜今似古橫斜飲  
露老猶孩昔年宇築憑蒼卜今日花開憶祖培漫道一枝難蔽  
日發祥三代擬三槐

其二


光槐

元紀由來植此茶金枝鐵幹墓旁斜春深艷發同槐茂霜飽香  
添擬栢華歲久已知丹鍊月靈長尤見萼流霞只因兆卜斯家  
里五百年餘花更花

登望海樓

首烈

雲間渺々敞層樓礪戶朱欄俯碧流浪起拍天翻玉宇濤來特



地捲神州一輪曉日明番餽萬里長風送客舟望斷赫龕吞吐  
處朝宗勢盡海門收

咏石牛

首烈

本是深山頑石堅良工雕琢已多年從來莫有人加輓今日何  
能手任牽有口如餐芳草地無心誰與畊荒田牧童幾度橫牛  
背徒把笙聲叶暮烟

虬松

世俊

言久虬松盡着鱗蟠應天上近曝白日邊春曉雨流澗  
浮銀爪現露滴額珠新天矯知無數卷石似  
化手植幾昏晨

世俊

疆德自剛帝車行不息辰極運無方萬名  
何勞媯氏補不用杞人傷牝馬馳難並飛龍

積學各當強

卜歌

世俊

不布筵羣飛觴一觴飛動豪興長杯盤狼藉君莫笑疎櫺逗暹  
明月光試開窻望明月月有情杯有物皓月當頭弗狂歌有酒  
無月更奈何我因把盞邀明月願與月中醉長歌七出廣庭聞  
珮瑳揭開雲帳明金波玉山任不起真樂情無過可道青蓮再  
見麼同人撫掌一笑呵囊中漫云錢已盡呼盃取月明月多

山泉公八旬壽詩

葛正己

得春杖履足康娛靜者心源樂自俱  
裴坦家箴欽肅穆邴原身  
範擅清腴流丹閣外看題石醉白堂前擬繪圖指日

縮音馳

北闕一庭四代紹宏模

又

沈文溶


識從醇德繼芳聲忠孝門閭昔已旌  
雒社耆圖應再續幽詩朋

健步溪頭月揮塵徐傳屋角箏人瑞  
卽今推碩

英

趙睿翰

秀煙霞寶窟記有人靈芝採掇翩  
七蠟



是君身有仙骨憶寶筵樽酒接餘歡永  
樂廣鏡婉瑩潔訪貞廬如介蓬萊宮闕蘭芽  
金異香積慶芳晨弧彩羅星文侯南極

趙式皆

峻七崑山秀翻七有鳳胄祝岡披琳函奉觴爲翁壽我翁起峴  
左篤行聞鄉隣峩七奕世坊旌孝維其純矯首青雲端本心無  
回曲翠葉蔭森七胥關性天篤及今歲在丙小雨作秋涼朝  
家有常典盤谷忻壽康行年踰八十神全意彌適修齡衍庭椿  
輝煌燭南極熙熙樂休養道合天之徒愧無潛岳筆行繪香山  
圖

又

李洵

爰漢貽旌表春秋帑發糧惟翁襄祀典昭代振綱常品立無瑕  
玉身參遺直坊仁慈攀范義恬退見羲皇白石松鱗作青塘蕙  
晦香齊家遵軌物處世晰微茫積歲成麋壽盈堦敘雁行卽今  
稱八秩一曲佐霞觴

又

李品蘭

山南一笏面安居相見須糜適自如名重孝鄉標族望躬行古  
道近皇初緝祠曾譜斯干什垂訓幸侔無逸書四代貽謀徵厚  
德竹孫葵子繞階除

李品蘭

聲綺榭筵開引鳳笙金粟颺香弧影灑繡屏  
白石歌萊雅競向青塘洗兕觥傾取湖

長庚

外甥

盧正坦

年高德邵信超倫席間紅友非知己座

衣是故

榮祥並集蘭枝挺秀福頻臻清芬裕後聲華

重願祝遐齡比大椿

又

盧正坦

行年八十益康強躬荷 覃恩福履將立志清高膺 帝眷持

身勤儉慶名揚葱蘢庭蔚恒春樹爛漫霞流上壽觴竚看九旬


籌迭進稱觥鞠脰晉華堂

又

外甥

李時霖

桐蔭葱蘢園十畝澗曲嵐環鍾靈秀微髦世紹純孝胃杖國杖



朝矧多又會值金風送夏九琅璠駢集介眉壽霖也拜獻恆春  
酒鬢鑠哉翁笑盈口拊摩鈍顛不住手分付登堂看屏右珠玉  
掄揚忝非有爾能繪我性真否弗逐錙銖積紅朽弗慕勳名博  
紫綬培植桂蘭傍籬豆山高水長知心久

又

從弟培棠

南宿遙騰石嶺邊金風輕拂畫堂前桂花色映玻璃盞桃實香  
凝玳瑁筵華髮朱顏人就古丹崖青壁玉生煙延年底事盤承

是仙

培棠

仙彷彿岡陵壽域符華岳靜詮仁者相砌蘭  
皓月燃三桂閣上鳴琴引九雛仙客高



千壺

甥男

李人祿

峴左堂中懸錦軸蓬萊瑞氣蔭靈椿共慶杖

生輝璚筵笙簧雅奏盈華屋節屆律中夷則

時瑤池適值仙桃熟庭前四代盡崢嶸更有白眉齊頗牧壽域

宏開戚郇歡九重新賜天孫服海屋籌添集慶長競進霞觴恭

拜祝會膺 紫誥表期頤純嘏優游康第祿


卓齋公七旬壽詩

李品蘭

蘭陔循孝聲桐蔭聚名族碩人居其間疑是盤之谷秋雲排笏

山松風濤謖匕其樂復何如一燈課孫讀拇戰喚酒來不待陶

巾漉七秩開華筵東籬花正菊



又

白石秋雲澹青塘曉氣和詩聲循鳥奕孝養譜笙歌動履豪猶  
昔飛觴醉不酡弧南添一曲膝下舞婆娑

留贈凌雲友人卓齋七句二首

雅齋華邦彥


豹貪元霧隱南山養就周身一點斑敏捷才華真練達汪洋德  
量莫躋攀耕雲釣月心中事酌醕看花世外閒不向紅塵坡上  
走惟餐菊實駐童顏

斯君真果酒中仙物外優游自灑然有價文章漢司馬無瑕玉  
月忘經眼醉裏乾坤不老年尙憶凌雲得賦

前賢

兄五秩誕慶

王玉文拜



題詩箕疇載衍何福不宜無逸起家風

思孝孔安新廟實單厥心館甥於室夜月長

卿有酒盈罇陶然自得春風和煦吹填

饋來鴻案喜撲芝眉蘭穗一莖孫枝鵲起煎餅於庭綏多福履

甲子伊始誰問年華松濤舞鶴且晉九霞

壽世儒同庚六秩弧慶

李品蘭拜稿

笏山排雲開滿目林泉好我友盤其中樸遯完素抱循彼南之  
陔寢廟率先造綽楔斗大書古勳班可攷池館月一篇隨身光  
皎匕有客問師來花徑不待掃叫婦烹紫鱗醉我春瓶倒敘甲  
慶同庚懸弧讓占早相見共鬚眉朱顏君未老知交久且長快  
題人日草聽濤鶴與飛采芝尋綺皓

